

Q. J. J. J.



13-3'E'20

C. 60. d.

100-2



# CONSTITVTIONES

E T

EXERCITIA SPIRITVALIA  
CLERICORVM SÆCVLARIVM

IN COMMVNE VIVENTIVM

A P P R O B A T A

A SANCTISSIMO DOMINO NOSTRO  
IN NOCENTIO

P A P A X I



*Della*



*Scala*



R O M Æ,

Typis Reuerendæ Cam. Apost. M.DC.Lxxx.

*Cam facultate Superiorum, & Privilegio.*

CONSTITUTIONES

E T

REVERENDISSIMI PATRIS

CELESTINI SEPTIMI

IN CHRISTO AVVENTIVUM

*Imprimatur,*


Si videbitur Reverendiss. P. Sacri  
Palatij Apost. Mag.

*I. de Ang. Archiep. Vrb. Vicesg.*

P A P A

*Imprimatur.*

Fr. Raymundus Capisuccus Or-  
dinis Præd. Sac. Pal. Apostolici  
Magister.



# Beatissime Pater.



ASTORALIS sollicitudo, & animarum pretioso Sanguine Salvatoris Nostri redemptarum cura plurimis ex capitibus inter tam varia Christianæ pietatis opera, tanquā ex fine præstantissima, ex occupatione Sanctissima, ex necessitate cuius Christiano gratissima elucet; eo quod fideles per eam à putredine peccatorum virtute divinā liberati, & ad Episcopum ac Pastorem animarum nostrarum IESVM CHRISTVM conuersi, securè ad beatam illam ac cœlestem vitam deducantur: quam S. Chrysostomus loquens ait: *si quis voluerit Deo commendatus esse, curam habeat ovium illius, publicamque querat utilitatem, fratrum suorum saluti prospiciat; nullum enim officium hoc Deo charius est; est verò & aliud admirabile curæ huius encomium, quod per eam, & curæ huius amatores id præstetur. Christo in terris, quod ab ipso in cœlis quivis se consecuturum sperat Christianus; nempe æterno immortalitatis gaudio perfundi; curam enim gerere pastorem, est eodem, quo Christus perfunctus*

est, officio versari, eidem collaborare; gaudium Christi in se excitare, & Christo gaudium dare; Ipsomet attestante, dum ait: *hec locutus sum vobis, ut gaudium meum in vobis sit, & gaudium vestrum impleatur*; rectè hinc infert S. Dionysius Areopagita, dum inquit: *Divinarum omnium perfectionum diviniissima est, Dei cooperatorem esse in reductione animarum ad Creatorem*. Ex quorum omnium consideratione Beatissime Pater ad Sanctitatis Tuæ pedes nos humillimi Sacerdotes & Clerici ad collaborandum adiuvente divinâ gratiâ in hac pastoralis curâ ex toto corde pro-voluti nos sistimus, quia maius gaudium Sanctitati Tuæ in tot curis, in tantis occupationibus & tam ardentibus desiderijs afferri non posse vel ideò credimus, quia ipsæ tuæ primæ Apostolicæ litteræ in universali Iubilæo per communes Christianitatis preces Sacerdotes & bonos animarum curatores à Deo mitti ardentissimè deprecantur. Et iure meritò de tuâ pastoralis sollicitudine pro universâ Christianitate tanquam à te dictum affirmatur; Quod Eminentissimus quondam Ioannes Philippus Archiepiscopus Moguntinus (cuius pia & exemplaris conversatio, uti & singularis prudentia in regendo, in toto Romano Imperio notissima sunt, uti & ab

Ipsa-

Ipsamet Sanctitate Tua etiamnum commen-  
 dantur ) de semetipso fatebatur, inquiens:  
 salus æterna gregis à Deo Nobis commissi  
 sollicitudinem nostram iugiter exstimulat, ut  
 eidem præfici curemus pastores, à quibus &  
 verbo & exemplo ritè pascatur, atque sic ad  
 omnem honestatem morum, & pietatem Chri-  
 stianam suaviter inducatur &c. quatenus per  
 hoc non tam ipse tibi gaudere, quam efficere  
 posses, ut Christiani veri Apostolorum &  
 Christi Domini imitatores effecti verbum  
 veritatis cum gaudio Spiritûs Sancti excipe-  
 rent, & hoc pacto illi gaudium in terris da-  
 re studerent, à quo in cœlis gaudium exspe-  
 ctare credunt æternum. Sicut proinde Salvator  
 Noster verba quæ acceperat Sanctis Aposto-  
 lis dans, leges & constitutiones de Regno  
 Dei præscribens tradidit, & sic in salutem  
 mundi illos misit. Ita nos cum lege illâ Euan-  
 gelicâ à Salvatore nostro præscriptâ Consti-  
 tutiones à Ven. Dei Servo Bartholomeo Holz-  
 hausero &c. Dei, uti cōfidimus impulsu con-  
 scriptas, à memorato Archipræsule Mogun-  
 tino summo studio ac ardenti zelo primis ty-  
 pis mundo propositas, & in animarū salutem  
 omnibus in suo Archiepiscopatu pro singula-  
 ri tanti principis in bonos pastores affectu  
 commendatas accepimus, & à Tua nunc San-

ſtate cum totius Inſtituti noſtri ſingulari  
gaudio confirmatas cognovimus; ita eaſdem  
Romanis typis excuſas ad pedes Sanctitatis  
Tuæ humillimè præſentando ideo deponi-  
mus, quia ex earum obſervatione tibi totique  
S.R.E. ex eo capite gaudium afferendum ſpe-  
ramus; quod gaudium ſit Chriſto, ſi fructus  
Apoſtolicus, ſi verborum ab Ipſo datorum  
canon, à generatione, in generationem tranſ-  
mittatur; pro quibus omnibus cum Gratiâ Dei  
fideliter præſtandis uti nos liberè conſecravi-  
mus, pacto obligavimus, iuramento univi-  
mus, ſic à tua Sanctitate Apoſtolicam Bene-  
dictionem ſubmiſſimè flagitantes, omnem  
fidelitatem tibi, & S.R. Eccleſiæ uti & Rev.  
DD. locorum Ordinarijs promittimus, in fi-  
delitate diligentiam, in diligentia curam, in  
curâ veritatem, in veritate unitatem, in uni-  
tate pacem, in pace gaudium Chriſti hic in  
terris ſectaturi, alterius verò vitæ communia  
omnibus Sanctis gaudia ſperantes, qui ſu-  
mus & manemus Sanctitatis Tuæ V.  
Humillimi Sacellani  
Sacerdotes & Clerici & Sæculares  
in communi viventes.  
INNO



# INNOCENTIVS

P A P A X I.

Ad perpetuam rei memoriam.

**C**REDITÆ Nobis divinitus Apostolicę servitutis ratio postulat, ut salubria Christi fidelium in sortem Domini vocatorum Instituta, ex quibus uberes in Ecclesia Dei bonorum operum fructus assiduè provenire noscuntur, ac Constitutiones pro felici, prosperoque illorum regimine, & progressu, piè prudenterque factas Apostolici muniminis præsidio roboremus, piaque illorum studia favoribus, & gratijs decoremus, sicut ad Omnipotentis Dei gloriam, & animarum salutem expedire in Domino arbitramur. Exponi siquidem Nobis nuper fecerunt dilecti filij Clerici Sæculares in communi viventes, quòd Anno M.DC.XL. operâ tunc in humanis agentis Bartholomæi Holzhäuser Vicarij tunc existentis Episcopi Chiemensis in Bavariâ, ac ad Sanctum Ioannem in Leoggenthal Decani inchoatum fuit eorum Institutum, quod Deo opitulante in alijs Diöcesibus, & Provincijs indies usque in præsens adeo excrevit, ut non tantum à bonis mem: IOANNE PHILIPPO dum vixit Archiepiscopo Mogun-

tino, Sacri Romani Imperij Principe Electo-  
 re, sed etiam ab alijs pluribus Archiepisco-  
 pis, & Episcopis fuerit in eorum Dioeceses  
 receptum, & expresse approbatum, ac ab  
 iisdem per proprias litteras, prout etiam  
 à Charissimo in Christo filio nostro LEO-  
 POLDO Romanorum Rege in Imperatorem  
 electo, & à bonæ pariter memoriæ MAXI-  
 MILIANO PRIMO, & FERDINANDO MARIA  
 dum vixerunt utriusque Bavariæ Ducibus,  
 eiusdem Sacri Romani Imperij Principibus  
 Electoribus, huic S. Sedi Apostolicæ instan-  
 tissimè commendatum extiterit. Cum autem  
 sicut eadem expositio subiungebat, Institu-  
 tum prædictum sub immediatâ jurisdictione  
 Ordinariorum, ac directione unius Supre-  
 mi Præsidis, prout modo dicti Exponentes  
 eisdem subsunt, omni prorsus exemptione  
 seclusâ, salubriter ordinatum, ac pro felici  
 ipsorum Exponentium, & Instituti huiusmo-  
 di directione, rectâque juventutis institutio-  
 ne nonnullæ Constitutiones factæ fuerint,  
 quæ per Congregationem nonnullorum ex  
 Venerabilibus fratribus nostris Sanctæ Ro-  
 manæ Ecclesiæ Cardinalibus super hoc ne-  
 gotio à Nobis specialiter deputatam, revisæ,  
 & in nonnullis correctæ fuerunt, ac in unum  
 volumen redactæ, tenoris, qui sequitur;  
 videlicet:

Consti.



# Constitutiones Clericorum

Sacularium in commune  
vivendum.

P R O O E M I U M.

**F**Inis huius Vitæ Clericalis non est novū  
Institutum, aut Religionem introducere;  
Sed ipsummet Statum Clericalem & Ec-  
clesiasticum à Christo fundatum, & ab  
Apostolis observatum sub immediatâ RR.  
Ordinariorū potestate omni prorsus exē-  
ptione seclusâ purè amplecti. Ut verò  
primæva, ac genuina prædicti Statûs ho-  
nestas tutiùs, & sanctius conservetur, Sa-  
cerdotes huius vitæ iuxta antiquos Ec-  
clesiæ Canones, secluso foeminarum con-  
sortio, bini, terni, vel etiam plures, si-  
mul sub privatâ, & œconomicâ quadâm  
unius Superioris directione, ac Inspectio-  
ne vivent; & bona sua Ecclesiastica in  
communes pios usus conferent: atque sic  
& privatam suam, & animarum sibi com-  
missarum æternam salutem graviter pro-  
movere studebunt, prout sequentes Con-  
stitu-

stitutiones in certa capita digestæ, uberius  
explicant.

Illud porrò sibi persuadeant, se iurisdictioni  
Ordinariorum, in quorum Diœcesibus  
pro tēpore beneficia, vel domicilia obti-  
nuerint (seclusâ omni exemptione) sem-  
per manere subiectos: Quorum proinde,  
uti & præcipuè ipsius S. Romanæ Catho-  
licæ Ecclesiæ Matris nostræ Dogmata, Iu-  
ra, Decreta, & consuetudines, pro viribus  
observabunt, atque defendent, quemad-  
modum à Clericis ea observari, & defen-  
di par est.

Cæterum Constitutiones huius vitæ Cle-  
ricalis in sex partes præcipuè dividuntur.  
Prima est de cura propriæ salutis, & pro-  
fectûs in spiritu. 2. De communitate bo-  
norum. 3. De fraterna cohabitatione. 4.  
De separatione mulierum. 5. De Obé-  
dientia. 6. Denique de cura animarum.

*De cura propriæ salutis, & profectus  
in spiritu.*

I.

**C**VM fides sit fundamentum, & initium  
salutis æternæ, sublato omni proprio  
iudicio, captivantes intellectum suum in  
obse-

obsequium fidei IESV CHRISTI, te-  
 neant promptam, ac paratam voluntatem  
 omnibus ijs fidem, ac obedientiam præ-  
 standi, quæ vera Christi Sponsa, ac S.  
 Mater nostra, Romana Orthodoxa, Ca-  
 tholica Ecclesia, credenda, aut facienda  
 declaravit, vel imposterum declarabit.

*in I. I.*

Per rectam intentionem in omnibus suis  
 actionibus sincerè gloriam Creatoris sui  
 spectent, curentque, quantum in se erit,  
 non solum se ipsos, verum etiam omnes  
 alios, ad serviendum divinæ Maiestati  
 excitare propter Ipsammet, & propter  
 nimiam charitatē, qua prior dilexit nos,  
 neque in ulla re se ipsos querant, sed in  
 omnibus creaturis, quemadmodum & in  
 semetipso, Creatorem suum, & omnes  
 in illo diligant.

*I. I.*

Unusquisque perspectas habeat animi sui  
 propensiones, & antevertere noverit ten-  
 tationes, opponendo ipsis remedia, quæ  
 quivis sibi cum divina gratia comparare,  
 & in promptu habere laborabit, infle-  
 ctendo se ad ea, quæ sunt contraria pec-  
 catis, & profectui spiritus conducunt; ut,

si quis animadverterit, se ad superbiam, aut iram, aliãve passionem esse propensum, is exerceat se in rebus abiectionibus, & quærat ea, quibus patientiam exercere, aut alij vitiosę propensioni resistere possit.

#### I V.

Ad virtutes solidas hominis sui interioris pro viribus enitantur; præcipuè verò studeant in sui ipsius cognitione, veraque abnegatione, & Christiana simplicitate, in humilitate, patientia, & charitate, timore DEI, cum prudentia & discretione plurimum excellere.

#### V.

Propter amorem Christi Salvatoris sui libenter debent ferre iniurias, persecutiones, contumelias, & quævis opprobria, imò ex animo gaudere, si gratis odio habuerit eos mundus, & contempserit: quę omnia eò ardentius complectentur, quòd sciant iisdem insignibus Dominum & Magistrum suum fuisse spectabilem.

#### V I.

Cum ex sola voluntatis affectione (quantumvis etiam spirituali) vel subita boni, veri-

verive apprehensione ad agendum, vel  
omittendum precipitanter, & quâ data  
porta, ruere, maximè semper sit periculo-  
sum, ideò affectus suos, etiam spirituales,  
ita refrènent, ut neque in agendo, neque  
in loquendo sint inconsiderati, aut præci-  
pites, sed re prius in oculis DEI discussâ,  
pensent, quæ honestas, utilitas, necessitas,  
& veritas rebus agendis, vel omittendis  
subsit, quæve commoda, aut incommo-  
da ex ijs sint nascitura.

V I I.

Temperantiam in cibo, & potu, ad maius  
Dei obsequium, & perfectiorem carnis  
subiugationem, unicè cordi habeant, &  
sanctè semper conentur observare. Hinc  
convivia, quantum fieri potest, domi fo-  
risque evitent: si verò humanitas, vel  
Christiana charitas subinde aliud pru-  
denter suaserit, ex Superioris arbitrio  
stabit, quid hac in re cum ædificatione  
permittendum sit; nemo proinde hisce  
citra iussionem se ingerat, aut proprio  
motu aliquod convivium accedere præ-  
sumat.

V I I I.

Quando itinerantur, apud huius vitæ Sa-  
cer-

cerdotes divertant, quòd si in eorum defectu diversorium aliud eos capere necessè fuerit, memores sobrietatis, & frugalitatis, diligenter caveant, ne cibi, & potùs abusu, animæ puritatì & proximorum ædificationi aliquid officiant.

# X.

**Q**uia otium pulvinar Diaboli, & vitiòrum carnis, aliorumque plurimorum malorum mater esse noscitur; omni modo sibi prospiciant, ut semper, etiam extra statutas exercitationes ordinarias, honestâ aliquâ actione sint occupati, quam singuli pro capacitate sui ingenij, & superiorum directione suscipiant.

# X.

**S**tatutis Exercitijs diligenter suum tempus tribuant, uniformitatem omnes servent, & semetipsos utiliter de die in diem in sincerum servitium divinæ Maiestatis impendant; hinc quantumvis aridi sint, & desolati, fortiter nihilominus iisdem insistant, scientes, etiam absque stipendio cælestium consolationum, voluntati divinæ obsequium rationabile præstare, eiusque providentiæ, & nutui, perfectâ quadam voluntatis suæ cum divinâ con-

for-



9

formatione, in omnibus sese subijcere; quare constanter pergant, & ad devotionem in quibusvis difficultatibus se iugiter excitent.

### X I.

In suis spiritualibus exercitationibus viæ ordinariæ, secundum communes prudentiæ, & discretionis regulas, insistant omnes; &, ut se contra dæmonis illusiones tueantur, Superiorum, & confessoriorum ductum sequantur; norintque modos, tentationes, & insidias maligni spiritûs vitandi & superandi.

### X I I.

Ad maiorem in spiritu profectum, aut saltem ad necessariam illius conservationem, omnes quotidie in meditationem, secundum exercitium trium animæ potentiarum, vel asceticam lectionem, ad minimum per mediam horam post matutinas preces incumbant, ad quam se pridie vesperi per horæ quadrantem præparaverint, eam potissimum ex vita Christi, & Sanctorum materiam seligentes, quam sibi singuli magis profuturam existimabunt.

Aveant

## X I I I.

**Aveant omnes** quotidie celebrare, & ita vivere, ut dignè celebrare possint; idcirco summo studio conentur conscientiam suam, ab omni, etiam minima, labecula mundam servare; mortalem culpam plus quàm faciem colubri formidantes. In hunc finem ad minimum semel in septimana sua peccata integrè confitebuntur idque aliàs toties facient, quoties necesse fuerit, & quotidiana tantorum mysteriorum tractatio requisiverit.

## X I V.

**Ubi non est Chorus, Breviarium Romanum,** aliasq; præces consuetas, unà cum conscientiae examinibus, simul eodem loco & tempore cum debita attentione, & devotione, in Creatoris sui laudem persolvere allaborent.

## X V.

**Lectioni, studio, ac meditationi sacrarum** scripturarum eà sedulitate, ac frequentia invigilabunt, ut huic tam sancto exercitio, ultrà tempus matutinae meditationis, vel lectionis supra nominatum, saltem unam adhuc horam quotidie impendant; & ad maiorem fructum inde percipiendum



dum Sanctorum Patrum, probatorumque Interpretum explanationem desuper adhibeant.

### XV I.

Præter statuta Exercitia quotidiana, omnes, & singuli cuiuscunque Districtus Sacerdotes, in loco à Superioribus assignando, quot annis recollectioni spiritus sui per certos dies vacabunt: ad quam etiam extra hoc præscriptum parati esse debent, quando eam Superiores illis, aut utilem, aut necessariam esse iudicaverint.

### XV II.

Non solum æquo animo accipiant, si ad maiorem in virtutibus progressum, proprii defectus ipsis à Superioribus fuerint intimati; verum etiam ad aliorum correctionem viam sternant: quare si quis grave delictum, aut tentationem, vel eius periculum in altero notaverit, de hoc Superiorem vel fideliter moneat, vel saltem desuper interrogatus veritatem aperiat, ut ipse pro paterna in suos cura, periclitantibus convenienti remedio possit succurrere.

### XV III.

Caveant Sacerdotes sese negotijs sæculari-

bus, aliisque rebus ad se non pertinentibus immiscere, & si quam causam civilem habuerint, sublimioris statûs sui intuitu in iudicio personaliter non compareant, sed utantur Procuratore; quod si verò urgente necessitate, causam viduarum, pupillorum, aliarumque miserabilium personarum suscipere charitas suaserit, non faciant id absque licentia Superiorum; in ijs autem suo duntaxat consilio adiuvandis, memores sint modestiæ, & erga partes litigantes reconciliandæ charitatis.

*De Communitate Bonorum.*

X I X.

Communitas bonorum huius vitæ Clericos & Sacerdotes obligat, ut redditus suos Ecclesiasticos, quocunque titulo obvenientes, quorum tamen libera dispositio de iure ad ipsos pertinet, in communes usus conferant, collatione stabiliter in vita, & post mortem duratura: (salvis iuribus Sacræ Sedis Apostolicæ & RR. DD. Ordinariorum) quam eo ipso facere censentur, dum vitæ huic communi se aggregant. Hanc porro communitatem bonorum

norum eò ardētius coli deet, quod Christus Dominus cum Apostolis suis eam tenuerit, in Ecclesia DEI diu vigerit, & sacri Canones tam sanctè ad eam hortentur. Igitur in Authorem vitæ IESVM CHRISTVM iugiter respiciant; & memores, se, ad vendicandam veram libertatem filiorum DEI, & adipiscendas divitias gloriæ eius, totum thesaurum suum in Cruce Domini suspendisse, laborent omnem affectum & inordinatam animi sollicitudinem erga res temporales sic extirpare, ut solus Christus Crucifixus, velut summum bonum, uniuscuiusque præcordia abundanter impleat.

X X.

Quapropter, ut in maiore pace domestica, & quiete animi, Deo, sibi, proximo vacare, & vivere possint; ubi plures simul habitant, unus eligatur, qui Beneficiorum, & functionum Ecclesiasticarum redditus è manibus sacerdotum sibi cohabitantium recipiat, & singulorum necessitatibus ex æquo prospiciat, atque de receptis, & expensis suo tempore superiori ordinatam rationem reddat.

## X X I.

**H**abitatio, victus, vestitus, lecti, pro diuersitate locorum uniformiter sic accommodentur, quemadmodum servos & ministros Dei, & Ecclesiæ decet; infirmorum tamen semper habitâ ratione. Sine expresso consensu Superioris nihil de uno in aliud domicilium transferatur: hinc caveant hospites, itinerantes, aut qui aliò commigrant, ne quid, sive ex Bibliotheca libros, sive ex domo alias quascumque res, clanculum, & pro libitu suo, secum accipiant, ob confusiones, & incommoda, quæ ex opposito consequuntur.

## X X I I.

**Q**ui parentes, fratres, & sorores in necessitate constitutos habent, œconomiam suam ita instituunt, & viuunt, ut eos charitativè iuvare possint; ubi verò beneficiorum tenuitas id non patitur, ex dispositione Superioris, defectus aliunde supplebitur. Illi autem, qui ab eiusmodi onere iuvandorum parentum, fratrum, sororum liberi sunt, ne arbitrentur rapinam id, quod ad obsequium pietatis, & necessitatis, in suorum confratrum, parentes, fratres, & sorores, ab eodem Superiore

riore commendatos expenditur; verum sibi persuadeant, (cum charitati fraternę omnia sint communia) in suos impendi: unde qui non habent parentes, fratres, vel sorores in necessitate constitutos, sint tanquam habentes, gratiasque Deo agant, quod hac libertate eos donarit.

# X X I I I.

**C**eterum Communitas bonorum huius vi-  
ræ clericalis, prout suprà insinuatum  
procedit solummodo de bonis intuitu  
munium, functionum, ac reddituum Eccle-  
siasticorum quomodolibet quęsitis: bona  
autem patrimonialia sub liberâ cuiusque  
dispositione relinquuntur: cum hoc tamē  
moderamine, ut in ijs dispensandis pri-  
ma, ac potissima pauperum consanguineo-  
rum ratio habeatur: bono nihilominus  
communitatis nostrę, Clericalis non præ-  
terito. Ad evitandam verò omnem in hac  
disciplinâ Clericali, & pace domesticâ  
confusionem, & alia incommoda, huius-  
modi dispositiones patrimonialium dili-  
genter consignentur, & Superiori, quoties  
ipsi videbitur, desuper ratio reddatur: li-  
tes verò, si quę super dictis bonis patri-  
monialibus movebuntur, non à Sacerdo-

tibus in personâ , multò minus nomine  
Communitatis , sed per procuratores co-  
ram Tribunalibus agitentur .

*De fraterna cohabitatione .*

X X I V.

Duo tres, vel etiam plures Clerici, pro loco-  
rum qualitate ( conformiter antiquis Ec-  
clesiæ Canonibus ) eâdem in domo , ac  
mensâ piè, sobriè, castè & fraternè coha-  
bitent; nec faciliè aliquis solus exponatur,  
nisi locorum distantia postulet , eaque sit  
parochialium proventuum tenuitas , ut  
duo cohabitare non possint : tales verò  
soli exponantur , qui eam vitæ , morum-  
que constantiam probârunt , ut solitudo  
nihil periculi secum trahere meritò cre-  
datur .

X X V.

Ut autem huius vitæ socialis disciplina, vi-  
tato otio , sanctius continuetur , & simul  
maior proximo utilitas accrescat , tene-  
ros adolescentes in bonis moribus, & lit-  
teris, eò usque informabunt, prout sin-  
gulorum capacitas , opportunitasque lo-  
corum permiserit .

Ne

## X X V I.

Ne tamen ipsi Clerici notitiam studiorum Theologicorum, & Controversiticorum in scholis acquisitam deperdant, sese, etiam postquam ad animarum curam, aliasque functiones clericales applicati fuerint, in prædictorum studiorum exercitio diligenter occupabunt, & subinde in loco ad hoc deputando, per repetitiones & conferentias desuper instituendas, aliquod suæ industriæ, ac profectus specimen exhibebunt.

## X X V I I.

Fraternam charitatem, & unionem sedulò observare nitantur, supportantes se mutuò in charitativa patientia, & infirmitatis propriæ recordatione; quemadmodum nos, & totum mundum in peccatis innumeris divina bonitas benignissime sustinet.

## X X V I I I.

Quilibet Sacerdotum, quavis hebdomade pro Summo Romano Pontifice, & occurrentibus Sanctæ Ecclesiæ necessitatibus nec non pro incremento huius vitæ Clericalis, & singularibus eius Benefactoribus unam Missam faciat: menstrua verò



sacra duo ( unum quovis in loco pro  
eiusdem Ordinario, alterum pro defun-  
ctis Confratribus, & Benefactoribus ) à  
singulis celebrentur. Quotiescumque  
etiam continget aliquem ex dictis Con-  
fratribus è vitâ decedere, præter con-  
suetas exequias, quæ in sepulturæ loco  
peragentur, quivis Sacerdos huius vitæ,  
pro salute animæ eiusdem, tria sacra  
legat; preces, & alia pietatis opera uni-  
uscuiusque libertati relinquuntur.

*De separatione mulierum.*

X X I X.

Cum Sacerdotes quotidianum Christi Do-  
mini receptaculum sint, arctissimam casti-  
tatis custodiam omnes habeant, eniten-  
do Angelicam puritatem imitari; ad  
quam obtinendam portas sensuum oc-  
cludere, omnesque occasiones, & privata  
cum mulieribus commercia diligentissi-  
mè fugere studeant.

X X X.

Quare nullæ mulieres cum hisce Sacerdoti-  
bus in eadem domo habitent; sed quan-  
tum fieri potest, in administratione domus  
& culinæ operâ virorum utantur: si tamen  
familix



familię rusticę, vel alia inevitabilis necessitas; mulierum famulitium requirat; matres, vel sorores, si haberi possint, vel saltem tales suscipiantur, quas vitę, morumque honestas commendat; eā nihilominus separatione factā, quę Superioribus videbitur fore sufficiens, & necessaria.

*De Obedientia.*

X X X I.

Viam regiam sanctę illius obedientię omnes teneant; quam locorum Ordinarijs exhibere Clerici Sæculares communiter teneantur, quemadmodum hæc vita clericalis ab origine sui, sine exemptione, illorum Jurisdictioni se subijciens sanctę servavit, & servare deinceps perpetuò debet. Pręterea omnibus, & singulis dictę vitę constitutionibus, ac omnibus illis, quę eorum Superiores rationabiliter in Domino mandaverint, circa actiones, & functiones suas privatas & œconomicas, perfectam quandam obedientiam, non solum opere, verum etiam voluntate, & intellectu, præstare pro viribus continentur; salvā semper in omnibus Ordinariorum autoritate, & Jurisdictione.

In

## X X X I I.

In obtinendis, vel retinendis beneficijs non proprium suum arbitrium, vel commodum spectantes, promptum semper, & paratum animum habeant, vel manendi, vel alio eundi; sic tamen, ut in acceptatione, ac dimissione, seu renuntiatione eiusmodi beneficiorum, ordo debitus, & uniuscuiusque Diœcesis consuetudo semper observetur.

## X X X I I I.

Secundum subordinationem superioritatis, & inferioritatis unusquisque in conversatione sua, vel officio, ab alio se dirigi patiatur: si quis tamen fortè irrationabili, & indiscreto imperio graveretur, ad Superiorem recurrat, qui pro suâ discretionem in Domino remedium afferet.

## X X X I V.

Superioribus suas necessitates candidè aperiant, & amotis suspicionibus, eorum dicta, & facta, ita accipiant, ut semper in meliorem partem interpretentur, etsi propriæ voluntati, & iudicio contraria esse videantur: maximè verò caveant murmura, & factiones contra Superiorum dispositiones excitare; hæc enim mutua charita-

ritatem scindunt, bonum regimen disturbant, & instar pestis corpus viresque Communitatis inficiunt, ac divino spiritali adversantur.

*De curâ animarum*

X X X V.

Cum pro nostræ vocationis scopo habeamus, iuxta normam SS. Canonum ( quo ad eius fieri poterit ) & vitæ Ecclesiasticæ honestatem, puritatemque vivere, & simul per functiones Parochiales Dei honorem, & salutem animarum, sincerè atque vigilantè, cum propriæ perfectionis studio, per DEI gratiam promovere; idcirco Sacerdotes huius vitæ singulari industriâ dictam animarum curam exercebunt, & quidem eâ ferventi charitatè, ac sollicitudine, ut neque in verbo, neque in opere, aut exemplo bono aliquid desideretur, quod ad oviculas sibi concreditas, etiam cum extremo vitæ periculo, ritè pascendas conducere possit.

X X X V I.

Sacramentorum itaque administrationem, Sacrarumque Cæremoniarum functiones, cum decenti gravitate, & veneratio-

ne peragant. Ritus etiam ubique illos observent, quos Romana Ecclesia, & locorum Ordinarij præscripserint.

X X X V. I I.

Ad frequentem usum Sacramentorum, Pœnitentiæ, & Eucharistiæ populum fervidè adhortentur; necessitatem, vim, & effectus eorum explicando; maximè verò invigilent, ut ægroti Sacro Viatico, & extremâ Vnctione maturè provisi, ex hac vitâ decedant.

X X X V I I I.

In prædicando Evangelio Christi, solius DEI gloriam, & animarum salutem spectantes, ab omni invektivarum genere, & acrimoniâ verborum in particulares personas abstineant, neque hominibus, sed DEO placere studeant: unde, & ostentationem, & auditorum captui minùs accomodatos conceptus fugiant; ea semper in medium profèrentes, quæ, pro diversitate auditorij sui, populum in veritate Christianâ erudire, aut in moribus corrigere, vel in charitate, aliarumque virtutum studio magis accendere apta sint. De quibus plura infra.

## X X X I X.

In sensu simplicitatis, & veritatis Christianæ abundantes, Ecclesiæ traditiones, & Sanctorum Patrum doctrinas, præcipuè verò Sacræ Scripturæ libros summè æstiment, venerentur, & sibi familiares redant; quos non ex propriâ sapientiâ interpretando, ad subtiles conceptus trahere, sed simpliciter ita proponere studeant, prout est utile ad docendum, ad arguendum, ad corripiendum, & ad erudiendum in iustitiâ, & prout Sancta Ecclesia, Sancti Patres, & Theologorum orthodoxorum consensus, sanctè hætenus intellexit, & etiamnum intelligit.

## X L.

Doctrina catechetica, ad rudiores, & parvulos in articulis fidei orthodoxæ, & moribus Christiano homine dignis ritè instruendos, singulis Dominicis in Ecclesijs parochialibus uniformiter ex præscripto instituat; ut sic ex naturalibus ignorantie tenebris ad lumen veritatis fidei, & in viam sanctæ conversationis traducantur.

## X L I.

Ad hoc plurimum iuvabit, si scholas vernaculas ( quæ magnum, præter alia commoda non pauca, doctrinæ catecheticae cum fructu prosequendæ præsidium conferunt ) ruri non minus, quàm in civitatibus, omni studio & sollicitudine instituendas curent, frequentius visitent, & ea, quæ in catechesi dicta, vel dicenda sunt, ludimagistrum parvulos suos docere iubeant.

## X L I I.

Ex vernaculis hisce scholis aliqui bonæ indolis parvuli ad ædes parochiales assumantur; qui Sacerdotibus ad altare interserviant, mensæ ministrent, ad eamque scripturam Sacram legant, canere, & latine loqui paulatim addiscant; in mysterijs quoque Christianæ fidei, timore Domini, ingenuis moribus, bonis litteris, & alijs huius vitæ Clericalis principijs instruantur; sicque ad omnem pietatem, & morum honestatem ab ineunte ætate, sollicitè educentur.

## X L I I I.

Animarum fructum plurimum promoveri sciant, si parochiani sincerà charitate fovean-

veantur : hinc ægrotos frequentius invistant, eisque cum opus erit, ad ultimam luctam ex debito salutaribus monitis assistant, & confortent : pauperum verò, pupillorum, viduarum, aliarumque miserabilium, & afflictarum personarum singularem quandam curam habeant, earundem necessitates, & misérias, quantum fieri poterit, consilio, operâ, solatio sublevando.

#### X L I V.

In parochijs suis nihil novi incipiant, nihil mutant ; verùm consuetudinibus laudabiliter hætenus observatis insistant : maxime verò caveant, ne in ullam controversiam, præsertim cum Magistratibus se intromittant ; nisi requisito prius Superiorum consilio, & impetrato consensu.

#### X L V.

Hanc Clericorum sæcularium vitam diligant, defendant, propagent, & in vocatione suâ, tanquam generosi milites in statione, quibuscumque adversis non obstantibus, constanter perseverent ; ac pro firmiore harum constitutionum observatione, & custodiâ, quandoque colloquia instituant, quibus id efficiant, ne



res suæ, siue spirituales, siue temporales, aliquid capiant detrimenti; & casu, quo disciplinam dissolvi, vel œconomiam periclitari deprehenderint; provido, maturoque consilio occurrant, quod ipsum assequantur facilius, si quivis in examine privato, iuxta statum, & conditionem suam, super his constitutionibus, cum proposito emendationis, diligenter se examinauerit.

### X L V I.

Denique hæ constitutiones sub peccato, per se loquendo, non obligant, etsi quis ad hanc vitam clericalem servandam per iuramentum se adstringat. Solus autem ille periurus censebitur, qui proprio motu se ab huius clericalis vitæ, & disciplinæ statu separaverit.



# Constitutiones Iuventutis

ad vitam Sacerdotalem Clericorum Sæcularium in commune viventium  
educandæ.

P R O O E M I V M.

**F**INIS huius vitæ Clericalis est, & Clericos sæculares in commune viventes in honestate, & disciplina clericali conservare; & ingenuos adolescentes ad eandem educare: unde qui hic aluntur firmiter sibi proponere debent, quòd Sacerdotes facti, sub disciplina huius vitæ ad incrementum Ecclesiæ Catholicæ militare, & iuxtà propriam, etiam aliorum salutem ex professo procurare velint. Quare qui ad huius disciplinæ institutionem accedunt, sibi persuadeant, se verè in filios, & in membra huius corporis suscipi: igitur seposito erga domum paternam & cõsanguineos inordinato affectu, eo magis Deum Creatorem suum, & spirituales suos parentes diligere debent, quòd maiora beneficia & pretiosorem vi-

tam omninò gratis ab ipsis accipiunt ;  
 Proinde hanc Clericorum sæcularium  
 vitam , ut veram & charissimam Matrem  
 habeant , illius disciplinæ ex animo se  
 submittant , tradendo personas suas , insti-  
 tuendas & erudiendas secundum volun-  
 tatem suorum Superiorum : maximè verò  
 ad perfectionem debitam , & gradum  
 quendam excellentem communitatis bo-  
 norum , dilectionis fraternæ , castitatis ,  
 & obedientiæ ab adolescentiâ conentur ;  
 in quibus , veluti columnis , tota structu-  
 ra huius vitæ Clericalis subsistit . Porro  
 constitutiones huius iuventutis ad Vi-  
 tam Clericorum sæcularium ritè educan-  
 dæ in tria potissimùm puncta dividere vi-  
 sum est . Primum erit de pietate Christia-  
 na ; alterum de morum honestate ; ter-  
 tium de studijs litterarum .

*De Pietate Christiana .*

I.

**A**rticulos fidei Catholicæ , eorumque fun-  
 damenta animis suis firmiter imprime-  
 re ; item tam Sacramentorum virtutes ,  
 quàm etiam significationes sacrarum Cæ-  
 remo-

remoniarum, earumque congruitates  
 probè addiscere studeant; ex quorum  
 deinde scientiâ intelligant, solam Ec-  
 clesiam Catholicam cælestis sapientiæ, &  
 divinæ veritatis, insuper & morum lau-  
 datissimorum in terris Magistram existe-  
 re, extra quam salvari impossibile sit.

## I I.

Nosse præterea debent, mundum, carnem,  
 & diabolum esse tres animæ nostræ capi-  
 tales hostes, qui viam ad Cælum tan-  
 quam latrunculi obsidentes, suis hostili-  
 tatibus efficiunt, ut tota vita hominis sit  
 militia super terram, ad quam viriliter  
 oportet accingi. In hunc finem, sibi  
 omnis generis practica principia, ac me-  
 dia faciliora ex lectione, & meditatione  
 sacra comparabunt, quibus concupiscen-  
 tiæ motus, aliæque tentationes eludi, &  
 muscarum instar possint ac debeant repel-  
 li. Huic rei maximoperè deservient libri  
 piorum Auctorum, quos Pater Spiritua-  
 lis singulorum captui, atque profectui ido-  
 neos indicaverit.

## I I I.

Frequenter sibi metipsis inculcent humani  
 generis vilitatem, vanitatem, fragilitatem,

& nihilum, ut ex huiuscemodi cognitione, & quotidianâ experientiâ agnitionem sui ipsius paulatim consequantur. Item, tam beneficia Creationis, Redemptionis, & Sanctificationis, quàm pœnas eorum qui ijsdem abutuntur; sicut & quatuor hominis novissima perpetuò ob oculos ponant; ut sic vel ad amorem Dei, grati-  
que animi affectum, vel ad iustum timorem Domini seriò impellantur; super quæ, tanquam firma Christianæ vitæ fundamenta, olim solidarum virtutum, ædificium exstruere oportet.

### I V.

Virtutum Theologicarum, fidei, spei, charitatis; & Cardinalium prudentiæ, temperantiæ, fortitudinis, & iustitiæ genuinam naturam practicè addiscant. Ad hæc in verâ humilitate, patientiâ, abnegatione sui ipsius iugiter se exerceant, omnesque suas actiones in verâ discretionem instituerè seriò conentur: maximè verò quodnam in quâvis virtute medium, & quænam vitiosa extrema sint, sedulo indagent: aliàs enim iuvenilis impetus, ob suam immoderatam vehementiam experientiâ teste, facile & plerumque ad extrema de-  
flectit.

flectit. Hic multum proderit, si quilibet aliquid temporis certo cuidam vitio, vel particulari defectui extirpando, & virtuti oppositæ exercendæ, iuxta maiorem suam indigentiam & utilitatem, de consilio Patris Spiritualis, vel quoties sibi aliàs visum fuerit, impendat.

## V.

Veram indifferentiam erga omnes res huius mundi habeant; solum illud optimum existimantes, quod à DEI, & Superiorum voluntate dimanat: proinde promptam obediendi voluntatem, quæ omnibus hanc vitam sectantibus maximè necessaria est, à iuventute sibi comparabunt.

## V I.

Tam primam innocentiam, quam castitatem mentis, & corporis, ut pupillam oculi, illebatam conservare satagant: proinde principijs obstent, & omnes malas suggestiones sine cunctatione ex animo eijciant.

## V I I.

Ad sensuum suorum tam interiorum, quam exteriorum custodiam pro viribus attendant: maximè verò ab auditione rerum

turplum, tanquam à facie colubri, fugiant; & si fugere non possint, reprehendant vel saltem serio apud se detestentur.

### V I I I.

Oculos suos ab omni curioso intuitu sexus femineis, altarumque vanitatum, quæ hominem fascinando inquinare, vel distrahere solent, sollicitè avertant. Hinc frenum timoris Domini sibi iniicientes, foris, & in templo oculos ab omni inordinatâ evagatione pro viribus cohibere nistantur; quod facilius consequentur, si præsentiam Dei, & futurorum bonorum stabilitatem, respectu quorum hæc caduca vilescunt, animo iugiter revolvant.

### I X.

Turpiloquia, sicut & blasphemias, procul arceantur; & si quis in his deprehensus, tertiâque vice correptus, emendationem effective non demonstraverit, tanquam pestis à consortio innocentium eiiciatur.

### X.

Ne rerum singularium usu ad avaritiæ sordes inclinentur, nemini liceat pecunias proprias, aut res alias, clandestinè possidere; & si quis à parentibus, consanguineis,

neis, tutoribus, aut quibuscumque alijs simile quid acceperit, non sibi seorsim reservet, sed in communi custodia Superiori asservandum tradet. Hinc etsi plures ad asservationem quarundam rectorum studiosæ iuventuti necessariarum, singulis permittantur, Superior tamen ad eos clavem magistram habebit.

## X I.

Singulis diebus, statim post preces matutinas, mediam horam lectioni spirituali, vel meditationi diligenter impendant; & quæ ex attentâ lectione, vel meditatione notatu digna deprehenderint, cum brevi reflexione, primò memoriæ benè mandent, tum etiam in libro suo spirituali ad hoc deputato clarè, & breviter notent, ne thesauro spiritualis scientiæ defraudentur.

## X I I.

Quotidie, tempore, & loco sibi assignato, tremendo Missæ Sacrificio devotè intersint, & sub eodem non solum corpus, & animam, verum etiam omnes cogitationes, verba, & opera sua Patri caelesti per IESUM CHRISTUM in servitium offerant: & qui Officium parvum B. Virginis MA-



**RIÆ** necdum orant, Officium Immaculatę Conceptionis à S. Sede Apostolicâ approbatum, vnâ cum Hymno S. **CASIMIRI**, pariter approbato vel approbando præcipuè pro conservandâ castitate persolvant; cum verò celebrans ad Communionem pervenerit, suam quoque spirituales Communionem (prout didicerunt) instituunt.

### X I I I.

Qui verò in maioribus Classibus existunt, Officium parvum Beatę **MARIÆ** Virginis pro incremento gratię vocationis Clericalis singulis diebus recitent; sic quidem, ut Primam, Tertiam, Sextam, & Nonam sub Missę Sacrificio, Vesperas verò, & Completorium, cum Matutino & Laudibus pro die sequenti, tempore pomeridiano paulò ante cęnam in honorem Genitricis **DEI**, Reginę, & Patronę singularis huius vitę Clericalis, pro temporum diversitate, alternis vocibus recitando persolvant.

### X I V.

In templo sub Missę Sacrificio, aut Vesperis, verâ pietate, & modestiâ prælucentes, ab omni garrulitate, & strepitu, oculorum

lorum curiositate, & inordinatâ mentis, omniumque aliarum facultatum effusione se custodiant. Sub auditione Verbi DEI ianuam alienis cogitationibus præcludendo intellectum, memoriam, & voluntatem, ad percipiendum debitum fructum, Concionatoris sermoni ex animo accommodent.

### X V.

Philosophiæ, & Theologiæ studiosi singulis septimanis, & maiorum totius anni Festivitatibus, conscientiam suam, Sacramentali Confessione expiare, & ad Sacram Communionem accedere assuefcant: qui verò in humanioribus Scholis existunt, saltem singulis quatuordecim diebus id observabunt. Confessarijs autem confiteantur omnes, quos Superiores, vel ex huius vitæ Clericalis Sacerdotibus, vel aliunde determinaverint.

### X V I.

Post Communionem aliquantum temporis in gratiarum actionem pro tanto beneficio, aliquam affectuosam orationem, vel ore, vel mente recitando impendant; in quâ omnia viscera sua, cum omnium necessitatibus suarum, tam privatarum, quam

quàm publicarum, Ecclesiæ explicatione, coram oculis divinæ Maiestatis effundent, & in vulnera Christi hospitis amabilissimi abscondendo commendabunt.

### X V I I.

Ut ab occultis sathanæ, & naturæ vitiatæ insidijs facilius præserventur, ab adolescētia assuescant, nō rarò cum Superioribus, Patre spirituali, & Confessario super statū hominis sui interioris conferre; & ijsdem graviores, præsertim extraordinarios, animi sui motus, & impulsus candidè aperire, id, quod ad cognitionem, & discretionem spirituum, an ex Deo sint necnè, plurimùm pròdesse dignoscitur.

### X V I I I.

Singulis annis recollectioni spirituali, qui eiusdem capaces sunt, per aliquot dies vacabunt. Idem observetur in eorundem susceptione ad hanc vitam, antequam iuramentum præstent: adiungant etiam confessionem generalem totius vitæ, nisi antè eam fecerint.

### X I X.

Maiores iunioribus in observatione constitutionum, tanquam speculum veræ integritatis, pro viribus præluceant; & cogitent,

giteant, se à pueriliâ indulgentiâ ablactatos, iam ad veras, & solidas virtutes evocari; proinde spirituali fulgore, studiose nempe Virtutum, & Exercitiorum hæcenus præscriptorum actibus, in verâ discretione ubique præluere consentur.

*De morum honestate.*

X X.

Ad eam integritatem morum omnes, & singuli pro viribus attendant, ut castigationibus non indigeant, & si deliquerint, citò coneriti, & humiliati, fateantur suam culpam, atque cum proposito seriæ emendationis, se Superioris arbitrio submittant, sustinentes libenter poenitentias, quæ pro qualitate delicti fuerint iniunctæ; idque sine resistantiâ, aut murmuratione, vel frivolâ excusatione.

X X I.

Senectutem venerentur, & tam domi Superiores, quàm foris Sacerdotes, ac personas Ecclesiasticas quascunque, maxime verò præceptores suos, & omnes homines, secundum cuiusque statûs dignitatem, ex animo venerentur, ac debitum honoris titulum impendant.

## X X I I.

In externis cæremonijs , quæ in modò dictæ reverentiæ signum solent adhiberi , hypocriticam pseudopoliticorum simulationem , & ineptam gesticulationem , ut pestem fugiant ; è contrà cum debitâ gravitate , modestiâ , & decore , ut recta prudensque dictabit ratio , venerationem paucis ostendant .

## X X I I I.

Quoties domi , vel foris , sibi invicem obviant , semper ij , qui sunt in inferiori Classe adolescentes altiorum Classium ; omnes verò , & singuli suos Superiores , aliosque Sacerdotes , honore debito præveniant ; Maiores quidem detecto capite , Superiores verò , & Sacerdotes , etiam cum inclinatione corporis salutantes .

## X X I V.

Coram Superioribus , & Maioribus se ultrò non faciliè ad loquendum ingerant , ad interrogata verò paucis , modestè , & graviter respondeant . Cum æqualibus ea agere , & loqui expedit , quæ vel honestas , vel utilitas , vel necessitas commendat .

## X X V.

Quando advertent, ex domesticis aliquem deliquisse, aut ad delictum periculosè inclinari, vel si aliud quodcumque scandalum patiantur, ad Superiorem debitam cum modestiâ, loco, & tempore congruo, fraternæ correctionis causa deferre teneantur, ut maturè malo occurrì possit.

## X X V I.

Contrà correctionem superiorum non murmurent, & si quid iniuste sibi pati videantur, patienti taciturnitate prudenter sufferant, & in meliorem partem accipiendo cogitent, se de præsentì non intelligere correctionis mensuram. Inprimis autem caveant, ne de suis Superioribus malè loquantur, vel illos iudicent, irrideant, aut illorum dicta, facta, correptiones, dispositiones &c. sinistrè interpretentur; multò minùs talia suis socijs, aut, (quod peius foret) extraneis, evulgent.

## X X V I I.

Contrà dispensationem necessariorum, nullas factiones, & murmura excitent; sed si quem defectum horum quomodolibet in veritate notaverint, competenti superiori



riori seorsim indicabunt, ut suo tempore,  
& modo sciat remedium adhibere.

### XXVIII.

Ab omni specie mendacij abstinere; veritatem verò, quæ inter præcipua benè moratæ iuventutis ornamenta meritò numeratur, tanquàm pupillam oculi, in omnibus verbis, & actionibus suis custodire studeant.

### XXIX.

Non adulentur, non pietatem fingant; neminem decipièdo verbis circumveniant; & in narratione rerum auditarum ab omni falsa amplificatione abstineant, ut sicut os loquitur, ita in veritate sentiat cor.

### XXX.

Nemo alterum mendacij incivilitèr arguat; nec in passione iræ erga se invicem effervescent, aut vindictam sumere quocumque modo attentent: ad competentem verò Superiorem, si rei gravitas postulaverit, rationabiliter, & sine cupiditate vindictæ deferre nemo prohibetur; qui noverit optimè in Domino providere,

### XXXI.

Sermone utantur modesto, non sapientiæ  
publi-



sublimitatem affectent, non falsæ humilitatis abiectionem; sed in omnibus curent simplicitatem sinceritatemque Christianam servare, quibus ædificetur proximus, non offendatur.

### X X X I I.

In ijs quæ narrant, ambages, & superfluos verborum ambitus, sicut, & circumstantias ad rem non pertinentes, abscindant, & modo recto, ac plano ad scopum sui discursus festinent, alijsetiam discurrendi locum cessuri.

### X X X I I I.

Seipfos præ alijs non extollant, neque interiorius in suis rebus sibi vanè complacent: multo minus seipfos aut sua laudare, & per iactantiam magni facere præsumant: cogitare enim debent omne bonum esse desuper à patre luminum.

### X X X I V.

Non sint morosi, erga omnes autem affabiles, manè, & vesperti salutem invicem impertiantur: minores in alloquio à Maioribus, & Superioribus affatum expectent; quod debitæ submissionis & verecundiæ signum fuerit.

## XXXV.

Tam vultûs tristitiam, & oculorum austeritatem, quàm levitatem in seipsis omnes sic corrigant, ut suavitas cum gravitate, modestia verò cum magnanimitate in cuiusvis vultu certare videatur; in hoc ipso tamen omnem simulationem, & hypocrisin excludentes.

## XXXVI.

Exclusâ omni levitate, in incessu gravitatem cum modestiâ coniungant semper, incedendo non currant; in vestibis munditiam ament; sordes oderint, & in omnibus verbis, actionibusque suis gestus membrorum, ac totius corporis compositionem talem exhibeant, quæ omnem hominem ædificare possit, ac debeat.

## XXXVII.

Erga cibos in mensâ appositos ipsius appetitûs sensualitatem sibi prædominari sic non sinant, ut gula rectæ rationis usum præveniat; quantum autem ad moderatam corporis refectiorem necessarium fuerit, comedant: in singulorum ciborum contrectatione debitam modestiam, ac decorem in aliorum ædificationem observent: silentium quoque in triclinio  
san&e

sanctè servetur, extra mensam porro ordinariè sive domi, sive foris, abstineant, neque sine licentiâ Superiorum alibi comedant, aut bibant.

### XXXVII.

Post mensam aliquantum temporis honestæ recreationi indulgebunt, sic tamen, ut ab indecorâ corporis agitatione abstineant, & cum ea circumspèctione, ac modestiâ lætitiâ attemperent, ut nemo prudens offendi queat.

### XXXIX.

Nemo autem, sive domi, sive foris, recreationi se subducere, vel ad alia loca, occasiones, aut consortia declinare, vel eo tempore, præpostero ordine, litteris operam dare, vel in loco solitario se tristitiæ, aut mēlancholiæ dedere permittatur: est enim tempus flendi & tempus ridendi; omnia tempus habent.

### XL.

Quamvis humanum sit, intra limites virtutis Eutrapeliæ, iocari, & iocos, aut sales ab alijs accipere, ac tolerare posse; nihilominus tamen stultiloquia, scurrilitates, & alia, quæ honestatis terminos, mediumque discretionis excedunt, in-

nullâ occasione tolerantur; Cum verò ex humanâ imperfectione, tam domi, quàm foris, contra dictas Eutrapeliæ & discretionis leges non rarò peccari soleat; à teneris assuescant, ne ita delicati efficiantur, ut nihil pati velint, aut possint, existimantes omnia sibi ex voto accidere debere.

### X L I.

Cum valdè indecens sit, proprium sermonem suis interpolare cachinnis, ideò in narrandis, vel audiendis leporibus, ac facetijs, nolint alijs in ridendo palmam præripere; sed appetitum suum inhibentes, cum moderatâ suavitate oris sua loquantur, vel alios auscultent; alijs in risum solutis, & ipsi subrideant; prout virtus Eutrapeliæ suaserit; vitando duo extrema, nimiam quidem austeritatem ex unâ, nimiam verò levitatem ex alterâ parte.

### X L I I.

In recreationibus invicem verbis, vel actionibus irritare, aut insulforum morum ineptijs molesti esse nolint, quibus alij ad tristitiam, nauseam, iracundiam, vel antipathiam provocentur.

## X L I I I.

In auscultando alterius discursu, secluso omni contemptu, sagaciter observent, quid is pulchrum, quid indecens effundat, indeque sibi documenta tacite efforment, quomodo se in simili occasione gerere velint, quæ cavere, quæ observare; loquentem autem proximum importunè ne interrumpant, sed patienter audiant; indecens enim est audiri velle, audire verò non nisi impatienter.

## X L I V.

Nemini detrahant, aliorum dicta, & facta in melius interpretentur; Sinistrè verò alios iudicare, & amaris verbis perstringere, oderint, cane peius & angue.

## X L V.

Ubi duo, tres vel plures, fuerint simul, caveant, ne defectus tertij, (quisquis ille fuerit, domesticus vel extraneus, Superior vel æqualis) imprudenti ore suggillant, quod enim sibi quis fieri non vult, æquum est, ne faciat alteri.

## X L V I.

Alterius dicta, vel facta, seu graviora, seu leviora videantur, tertio non revelent; sed ad Superiorem, si correctione indi-

guerint, cum debitâ modestiâ, & commiserationis affectu deferant.

X L V I I.

**A**b alijs audita in se sinant emori, quæ cû debitâ utilitate, necessitate, aut honestate non propalari possunt: quod fiet, si Superiores abolendæ garrulitati; adolescentes verò servando silentio dederint operam.

X L V I I I.

**S**i quis proximum, vel fratrem suum, de tertio malè loqui audierit, hoc tertio non manifestabit: multò minus, quæ tertius ille de eodem proximo dixerit, velut susurro, effutiet: hæc enim quia discordiam seminant, etiam in rebus levibus, adolescentes odio capitali prosequi meminerint.

X L I X.

**U**nus alterum vexando, irritando, vel defectus exprobrando ad iram non provocet; multò minus discordiam inter fratres seminare, aut cum altero verbis, pugnisque contendere attentet; quæ omnia, sicut è diametro bonis moribus repugnant, ita in domo juventutis nequaquam tolerabuntur.

Quod

L.

**Q**uod si unus alterum læserit, citò in gratiam redeant, & qui illatæ iniuriæ reus fuerit, iniunctâ pænitiâ, læsæ parti humiliter deprecando satisfaciât.

L I.

**I**niurias tamen ab alijs sibi illatas nullo modo vindicare velint, scientes in patientiâ possidere animas suas; maximè si tantum in propriam personam sine alio nocumento redundare videantur.

L I I.

**S**i quandò proximus in flagranti passione effervescit, qui sibi præsentés sùnt, cedant, illius iræ dādo locum, ne similiter accendantur. Hinc neque corripiant quemquam in fervore animi constitutum, sed tempus congruum expectent, donec ardor sedetur, & sedatâ passione correctionis sit capax.

L I I I.

**N**emo alteri quicquam furetur, aut ex petulantia abscondat: proinde serio sit omnibus interdictum aliorum mœxæ per vagari, aut pluteos lustrare.

L I V.

**O**mnium rerum munditiem diligentes, non



tantum in musæo libros, chartas, aliaque studiosis necessaria, post singulos usus in ordinem componant; verum etiam in cubiculo vestimenta quæcumque inter sordes petire, & alijs nauseam creare non sinant.

## L V.

Longiores crines, aut comam non nutriant; sed proscriptâ, indecorâ capillorum longitudine, modestam mediocritatem ex præscripto uniformiter omnes servant, ut caput honestè tegatur, non obtruatur.

## L V I.

Seorsim dormiant omnes; totum corpus cum omnibus membris ad debitâ honestatem componere, sicque compositum in obsequio servare assuescant.

*De studijs litterarum.*

## L V I I.

Gratiæ D E I, & naturæ talentis viriliter cooperentur; virtutumque studio illum scientiarum profectum jungant, qui virtutibus adminiculetur.

## L V I I I.

Tam in scholis, quam domi eliminatâ omni petulantia, explicationibus, aliisque scho-

scholasticis exercitationibus, sedulâ attentione aures præbeant.

### LIX.

Tempore studiorum nemo strepitum, aut pulveres exciter, multò minus extra proprium musæum in domo vagetur, aut quocumque modo, alios inquietare, & à studiis impedire audeat.

### LX.

Concertationes scholasticæ absque clamore nimio, qui veritatem dubij solummodo confundit, sic instituantur, ut argumentans tardè & ordinatè sua proponat; defendens verò patienter argumentum audiens ad formam respondeat. In se invicem non invehantur, neque fervore nimio, vel irâ excandescant: multò minus unus alterum confundere, sed rei propositæ veritatem eruere conentur, & ubi illius evidentia, vel probabilitas constiterit non violenter argumentum ex stimulo superbiæ intellectualis torquere, præsumant, sed veritati, vel probabilitati prudenter acquiescant.

### LXI.

A prandio ante initium studiorum mediam saltem horam cantui choralī addiscendo

impendent omnes à quo nemo eximi poterit. Hunc semel edocti, vel ad cantûs figurâlis, vel musicæ instrumentalis variâ exercitia pro cuiusque capacitate applicabuntur.

## LXII.

In quibus quilibet privatim deliquit etiam privatim castigetur, publica verò delicta publicâ pœnitentiâ intra domesticos parietes mulcentur, ut sic scandalum tollatur, & alii à similibus absterreantur.

**N**Obis propterea præfati exponentes, ac etiâ dilectus filius Abbas Pompeius de Scarlattis dilecti filij Nobilis Iuvenis MAXIMILIANI EMMANVELIS utriusque, Bavarix Ducis, Sacri Romani Imperij Principis Electoris, in Romana Curia, Administer, tam ipsius Principis Electoris, quàm dilecti quoque filij Nobilis viri Ducis MAXIMILIANI PHILIPPI eius Patruj, & Electoratûs Administratoris nomine humiliter supplicari fecerunt, ut Institutum, & Constitutiones huiusmodi pro maiori Religionis Catholicæ bono, ipsiusque Instituti decore, & augmento, Apostolicæ confirmationis nostræ patrocinio communicare, & alias opportunè in præ-

præmissis providere de benignitate Apostolica dignaremur. Nos igitur, pijs eorundem MAXIMILIANI EMMANVELIS & MAXIMILIANI PHILIPPI Ducum votis quantum cum Domino possumus favorabiliter annuere, dictosque exponentes specialis favore gratiæ prosequi volentes, & eorum singulares personas à quibusvis excommunicationis, suspensionis, & interdicti, alijsq; Ecclesiasticis sententijs, censuris & pœnis à jure, vel ab homine, quavis occasione, vel causa latis, si quibus quomodolibet innodatae existunt ad effectum præsentium duntaxat consequendum harum serie absolventes & absolutas fore censentes, huiusmodi supplicationibus inclinati, de memoratorum Cardinalium consilio, Institutum prædictum sub immediata Iurisdictione Ordinariorum, & directione unius generalis Præsidis, nec non constitutiones præinfertas, cum omnibus, & singulis in eis contentis Auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos Iuris, & facti defectus, si qui desu-

per quomodolibet intervenerint ; supplemus. Præterea eisdem exponentibus alias Constitutiones præinsertis non contrarias pro spirituali, temporalique dicti Instituti directione ab hac Sancta Sede postmodum approbandas condendi facultatem impertimur. Ac ad tollendam omnem ambiguitatem, cum dicti exponentes sint Clerici merè sæculares, omnibusque sæcularis Cleri oneribus obnoxij, eosdem exponentes quorumcumque beneficiorum Ecclesiasticorum sæcularium capaces esse, ac proinde canonicatus, & Præbendas, Personatus, dignitates, etiam post Pontificalem maiores in Cathedralibus, etiã Metropolitanis, & principales in Collegiatis Ecclesijs, nec non Parochiales Ecclesias, earumque perpetuas Vicarias, & alia quæcunque cum cura, & sine cura beneficia Ecclesiastica sæcularia quomodolibet qualificata, quæ per Clericos sæculares obtineri consueverunt, possidere, ac consequi, & obtinere posse Auctoritate, & tenore præfatis declaramus. Decernentes easdem præsentis litteras semper firmas, validas, & efficaces existere, & fore, suosque plenarios, &  
 inte-

integros effectus sortiri, & obtinere, ac illos, ad quos spectat, & pro tempore quandocunque spectabit, in omnibus, & per omnia plenissime suffragari, & ab eis respective inviolabiliter observari; sicque in præmissis per quoscunque Iudices ordinarios, & delegatos etiam causarum Palatii Apostolici Auditores, iudicari, & definiti debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. Non obstantibus præmissis, ac Constitutionibus, & ordinationibus Apostolicis, nec non quatenus opus sit quarumvis Ecclesiarum, alijve quibuslibet etiam Iuramento confirmatione Apostolica, vel quavis firmitate alia roboratis statutis, & consuetudinibus; privilegijs quoque indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes illis aliàs in suo robore permanentibus ad præmissorum effectum hac vice dumtaxat specialiter, & expresse

expresse derogamus, coeterisque contrarijs quibuscunque. Volumus autem ut earundem presentium litterarum transumptis, seu exemplis etiam impressis, manu alicuius Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in Iudicio, quàm extra illud habeatur, quæ haberetur ipsis presentibus, si forent exhibitæ, vel ostensæ. Datum Romæ apud Sanctum Petrum sub Annulo Piscatoris die septima Iunij M.DC.LXXX. Pontificatus Nostri Anno IV.

I. G. Slusius.



# Stations Quotidianorum

Exercitiorum Spiritualium omnibus huic  
vitæ addictis communes .

## Statio Matutina .

I.

**M** Anè omnes , & singuli statutâ horâ è lecto surgant; & facto signo S. Crucis inter induendum seriò recogitent, quòd creati sint, ut Creatori suo in hac vita serviant, & per hoc ipsum servitium salvi fiant. Ex hac cogitatione quendam vehementem in voluntate impulsus excitantes, die illo, ac in omni vita DEO servire, ad ipsiusque Maiestatis maiorem gloriam, omnes suas cogitationes, verba, & opera unicè dirigere; consequenter peccatum, tanquam summum hominis malum fugere firmissimè proponant .

I I.

Porro vestiti ad abluendum corpus accedant, & sub lotionè vultûs, puritatem cogitationum ac mentis; sub lotionè oris, pru-

prudentiam; & verborum rectitudinem & denique sub lotionem manuum, sanctitatem operum suorum à DEO exposcant,

### I I I.

Uno quadrante sic impenso, flexis genibus ante Altare domesticum clarâ voce Litanias Lauretanas, vnâ cum adiunctis S. Matris, & S. Iosephi collectis, devotè recitent: addatur etiam cum suis versiculis, & responsorijs Oratio, pro loci Ordinario quæ incipit: Omnipotens sempiterne Deus, qui facis mirabilia magna solus. (Idem fiat meridiè post Litanias omnium Sanctorum, & noctu post psalmum, De profundis) tum ad matutini examinis finem ter Pater & Ave in secreto subiungant: quibus finitis, ad lectionem spirituales vel meditationem singuli accedant.

### *De intentione dictarum Litaniarum.*

#### I V.

Has Litanias Lauretanas in dilectionis tesseram ex filiali affectu erga suam Matrem Sanctam MARIAM Virginem quotidie recitent, unice ab eadem flagitantes, ut nos filios suos in hora mortis, cum comi-

te,

te & Sponſo ſuo ſuauiſſimo Iosepho, maternè velit protegere.

*De examine matutino.*

V.

In examine matutino ſuper malignitate noctis inquirent, primò, quomodo præterita nocte conſcientiam examinaverint, & preces ſuas compleverint: in quibus cogitationibus, & deſiderijs dormitum iverint: quâ noctem exegerint, & quomodo ſe manè uſque ad examen geſſerint. Secundò, præter culpas, quas de præſenti in ſe reppererint; omnia totius vitæ peccata conceptu quodam collectivo ac generali ante oculos divinæ Maiestatis, ingratitude nem propriam intimè agnoſcentes, ſtatuant; arque de iſdem dolentes, humillimè ſe in abyſſum miſericordiæ DEI, & meritorum Chriſti per actus Fidei, Spei & Charitatis projiciant. Tertiò, firmiſſimè in genere omnia peccata mortalia & venialia de præſenti die per divinam gratiam prorsus evitare proponant: in ſpecie verò contrà proprias paſſiones ſuas, certumque vitium extirpandum animum obſirment.

## V I.

Tria denique Pater & Ave in honorem Sanctissimæ Trinitatis persolvent: per Iesum & Mariam trium virtutum Teologiarum incrementum; item cogitationum, verborum & operum suorum rectitudinē perfectionemque desiderent: insuper proportionatum medium, triplici hâc nostrâ operatione ordinatè semper utendi, scilicet Lumen, Gratiam & benedictionem supernaturalem à DEO petant; quorum beneficio sciant (per illuminationem) quid in omni re Creatori suo acceptum sit; moveantur etiam (per Gratiæ excitationem) ad eadem faciendâ; & denique moti ita afficiantur (per supernaturalem benedictionem) ut operentur bonum.

*Statio Meridiana.*

## V I I.

Postea uno quadrante horæ ante mensam recollectioni spiritûs insistant: & in hunc finem simul Omnes Litanias de omnibus Sanctis, vnâ cum earum collectâ, recita-

citabunt, easque prævio examine meridiano, dictisque submissâ voce septem Pater, & Ave, concludent.

*De intentione dictarum Litaniarum de omnibus Sanctis.*

### V I I I.

Præfatis Litanijis non solum suos Patronos, sed etiam omnes Sanctos, veluti singulares DEI Amicos & Advocatos amantissimos, pio affectu honorent & invocent; ut à Christo IESV Rege suo veram charitatem fraternam, unitatisque vinculum, adamantinum huic statui Clericorum sæcularium impetrare velint, quò in hac vita, usque ad finem mundi, in debitâ compage pacis & dilectionis, ad suam & aliorum æternam salutem, mutuò conferrentur.

*De Examine meridiano.*

### I X.

In hoc Examine recollectionem mentis seriâ instituant, & super decursum mediæ diei sedulò inquirent; quàm conformi-

E

ter,

ter, vel difformiter matutinis suis propositis fuerint operati; vel quibus delictis à præfixo sibi scopo divini servitij aberraverint, & si per divinam gratiam benè in stadio se eucurrisse inuenerint, glorificent Deum, latantesque spiritu similiter reliquum diei cursum consumere proponant; quod si verò defectus quoscumque repererint, eorum occasiones indagent, & contrito corde firmiter ad oppositas virtutes animum assumant.

## X.

**Denique septem Pater & Ave sic persolvant, ut unicuique Pater noster sua petitio ( prout ordine in oratione Dominica comprehenduntur, & paulò post fusius explicantur ) correspondeat : idem fiat in septem Ave Maria, per Matrem Dei à filio suo postulando septem dona Spiritûs Sancti, prout ad hanc vocationem Clericalem, & ad lucrandas animas necessaria sunt.**

*Explicatio septem Petitionum Orationis Dominica, cum earundem applicatione ad supradicta septem Pater noster.*

Prima

## Prima Petitio.

*Pater noster, qui es in celis, sanctificetur  
nomen tuum.*

## X I.

In primò Pater noster mentem ad DEVM Patrem suum in cælis residentem elevent; & per memoriam innumerorum beneficiorum, quæ unicuique & toti orbi benignissimus Pater in creatione, conservatione & gubernatione exhibuit, & quotidie exhibet, filialem quendam affectum excitent, intimè, humillimèque desiderantes, ut primò à se ipsis, deinde à toto clero nostro sæculari, & denique ab omnibus creaturis DEO Creatori suo omnis gloria deferatur; quemadmodum in cælis per illam unanimes vocem à tota curia cælesti in æternum Sanctus, Sanctus, Sanctus proclamatur.

## Secunda Petitio.

*Adveniat regnum tuum.*

## X I I.

In secundo Pater noster præsentia DEI, quæ sibi prius efformârunt, insistentes, se ad



Verbum DEI Incarnatum conuertant ;  
 itidemq; per memoriam ingentium bene-  
 ficiorum, quæ sibi ipsis totique generi hu-  
 mano per redemptionem misericordissi-  
 mus Salvator contulit, ad maiore quendâ  
 amoris affectum mentem suam erigant ;  
 toto desiderio intimè cupientes, ut primò  
 à se ipsis, tùm à toto Clero nostro sæcu-  
 lari, omnique genere humano fidelissimè  
 huic Filio DEI, amantissimo Salvatori  
 seruiatur, & in nomine eius omne genu-  
 flectatur, consequenter idem Salvator  
 omnes homines ( propter quorum salu-  
 tem descendit de cælis) hîc in terris, & ibi  
 in cælis sibi regnum facere benignissimè  
 dignetur.

*Tertia Petitio.*

*Fiat voluntas tua, sicut in Cælo & in terra.*

X I I I.

In tertio Pater noster ad Spiritum Sanctum  
 conuersi, per memoriam beneficiorum,  
 quæ tam in Sanctificantis, quàm actua-  
 lis gratiæ, & aliorum beneficiorum di-  
 spensatione specialiter unicuique, & toti  
 mun-

mundo abundantissimè præstitit, & adhuc præstat, majore nisu ad amorem voluntatem suam inflammantes ardentissimè desiderent, ut hic Spiritus amantissimus, verus DEVS, ab omnibus super omnia diligatur, & sanctissima eius voluntas, cum sit ineffabiliter bona, in cælo & in terra impleatur; cuius directioni sanctæ in omnibus conformari dulcissimum est, & his tribus petitionibus, DEO ob proprietatem personarum, & appropriationem beneficiorum, gloria, servitium & amor præstari à nobis desideratur.

#### Quarta petitio

*Panem nostrum quotidianum  
da nobis hodie.*

#### XIIII.

Verùm quia secundum Apostolum Paulum non sumus sufficientes ex nobis aliquid cogitare, & tribus illis prædictis titulis divinæ Majestati sine eiusdem nova gratia satisfacere; ideo in quarto pater noster non solum corporalem, sed magis etiam spirituales panem, scilicet actualem gratiam ad Dei servitium necessariam,

postulent: ad quam facilius obtinendam, more cuiusdam mendici, qui cum ollula ad divitis fores stare solet, in conspectu Sanctissimæ Trinitatis penitus humiliati se fiant, & ostendendo insufficientiam suam, mediantibus omnibus Sanctis, in vas suum inane (quod est animam) donari sibi à Deo efficacem gratiam exposcant, quâ Ipsi per decursum diei dignum servitium præstetur.

### Quinta petitio

*Et dimitte nobis debita nostra; sicut & nos dimittimus debitoribus nostris.*

### X V.

Cum verò scriptura dicat, nimiumque constet, nos omnes quotidie in multis offendere, quibus triplicem illum titulum divinæ Maiestati debitum per neglectum laudis, per transgressionem legis, & denique per teporem charitatis lædimus; in quinto Pater noster quotidianorum defectuum veniam deprecantes, intimè à DEO postulent, ut in nullo peccato mortali ab ipso finaliter deserantur: hinc instar alicuius leprosi, qui in via jacet, & miseriam suam

suam viatoribus monstrat, sua peccata, & imperfectiones summo Sacerdoti IESV Christo humillimis lachrymis ostendant, firmissimè secum statuentes, omnibus injuriis per alios sibi illatis semper ignoscere.

### Sexta petitio.

*Et ne nos inducas in tentationem.*

### XVI.

Penultimò, cùm vita hominis sit militia super terram, viamque cæli hostes sævissimi, mundus scilicet, caro & diabolus perpetuâ obsidione infestent, quorum insidiis tot millia milliû ad inferos tanquam spolia rapiuntur, neque ignoremus, nobis etiam insidias esse paratas ad ruinam; ideò timentes DEVM in visceribus suis, ab eo humillimè petant, ut tentationes benignissimè avertere dignetur, ne in eas inducantur, in quibus peccarent, aut finaliter perirent: hinc in conspectu DEI omniumque Sanctorum in comparatione suorum hostium se tanquam parvulos contrà mille gigantes æstimabunt.

*Septima petitio.*

Sed libera nos à malo.

## XVII.

Ultimò, quia nemo coronabitur, nisi qui legitimè certaverit, in septimo Pater noster ad calicem tentationum heroicè se Patri cælesti offerentes victoriam finalè, & tam liberationem à peccatis, quàm damnatione æternâ vehemētissimè postulent, desiderantes à malo æterno liberari. Et hæ quatuor petitiones ad tres primas, tanquam media ad finem, ordinatæ esse cernuntur.

## XVIII.

Quantum ad septem Ave Maria, in primo donum timoris Domini petât. In secundo, donū fortitudinis in arduis & adversis. In tertio, donum scientiæ, cujus beneficio sciant, quid DEO suo in omni re sit acceptum, simulque nequitias spirituales mundi carnis & diaboli in cælestibus dignoscant; quibus debitâ prudentiâ præmuniti, congruè occurrere, & discernentes bonum à malo, in bono malum vincere possint. In quarto, donum pietatis. In quinto, donum consilii. In sexto, donum intel-

intellectus, ad intelligendum, contem-  
plandum atque interpretandum sacras  
scripturas. In septimo denique, donum  
sapientiæ & libertatis Filiorum DEI, quæ  
omnes suas cogitationes, verba & actio-  
nes, semper rectè instituere noverint.

*Statio Nocturna.*

X I X.

Vesperis priusquam cubitum ibunt, ad re-  
collectionem spiritus omnes revertantur,  
gratias agentes DEO pro beneficiis, quæ  
per decursum diei in nos contulit. In  
hunc finem unam partem Psalterii Beatæ  
Virginis Mariæ, & psalmum de profun-  
dis, unâ cum duabus collectis (modo in-  
fra tradendo) comprecantur; quibus no-  
cturnum Examen conscientię, & quinque  
Pater & Ave adjungent.

Modus recitandi Psalterium Beatæ Virginis  
Mariæ per Hebdomadem.

*De exercitio primæ partis Psalterij ad diem  
Lunæ, & Iovis Ordinato.*

X X.

Cum fides sit fundamentum reliquarum vir-  
tutum, Psalterium à Symbolo Aposto-  
lorum

lorum ordiantur, sub quo mentem ad DEVM elevent, & Stationem suam spirituales in conspectu Sanctissimæ Trinitatis, Christi Domini, Beatæ Mariæ Virginis, omniumque Sanctorum instituunt; ostendentes Patri Cœlesti mundum cum omnibus statibus, veluti quādam domum leprosis, aliisque morbidis innumeris scamentem, pro quibus sunt deprecaturi.

### XXI.

Ut maiorem efficaciam eorum petitiones apud Deum Patrem sortiantur, post symbolum Apostolorum, sicut & post singulas decades, unum Pater noster addant, sub quo filium DEI Vnigenitum IESVM CHRISTVM, utpote infiniti pretij victimam, in cruce & altari immolatam, Patri cœlesti offerant, cuius intuitu ad commiserationem flectatur; non enim negabit, quæ per filium eius, in quo sibi super omnia complacuit, ad illius gloriā, & animarum salutem, petuerint.

### XXII.

Primam decadem pro errantibus in fide persolvant, deprecantes Beatam Virginem Mariam, ut per meritum & gaudium, quo Filium Dei concepit, à divina boni-



bonitate impetrare velie gratiam, quâ convertantur. Sunt autem huiusmodi in triplici differentia; primò pagani, Ethnici & Athei; qui verò DEO debitam gloriam auferunt. Secundò Iudæi; qui suâ incredulitate Filium Dei; & Sanctissimam Trinitatem blasphemant. Tertiò Hæretici; qui Ecclesiam & Spiritum Sanctum contemnunt. Quæ tria genera infidelium, per Gentes, Populos & Linguas in Sacra Scriptura notantur. Hanc injuriam, quam isti DEO quotidie inferunt; pensantes, vehementer divinam bonitatem, mediante Christo Domino, & Beatâ Virgine Mariâ ad miserationem perurgeant, desideria amoris & doloris diversa coram Curia cœlesti exponendo, prout unicuique præsens devotio suggererit.

### XXXII.

In secunda decade pro conversione peccatorum intercedant, qui in aliquo peccato mortali existentes, imaginem DEI supernaturalem abjecerunt, servique diabolorum effecti, Creatorem suum, & Dominum dereliquerunt cum extremâ ingratitudinis notâ, quam dolorosè secum pensent, & intimâ affectûs teneritudine,

Beatæ Virgini Mariæ inexplicabilem peccatorum miseriam ostendant; unicè sollicitantes, quatenus per meritum & gaudium, quo Filium suum IESVM in utero Virginali portavit, cælestem gratiam à DEO exorare dignetur, quæ eos è statu damnationis resurgere, & jugum servitii divini portare faciat.

#### XXIV.

In tertiâ Decade pro imperfectis orent; & Beatæ Mariæ Virgini ostendant omnes status Ecclesiæ, humillimè supplicantes, ut per meritum & gaudium, quo filium suum genuit, & in lucem edidit, imperfectionibus nimis, quibus omnes status carnali hoc sæculo, quasi ad occasum vergente, redundant, remedium à DEO impetrare velit; viros scilicet perfectos, qui singulos status veluti stellæ illuminent, dirigant, & ad antiquum spiritus vigorem reducant.

#### XXV.

Quartam decadem pro sagis, maleficis, & aliis obstinatis peccatoribus persolvant; considerantes, quanta ex hoc capite malorum injuria Domino DEO fiat, Beatam Virginem Mariam intenso quodam dolo-

doloris affectu rogent, quatenus per meritum & gaudium præsentationis, huiusmodi miseras animas Filio suo ad misericordiam præsentare, & impofterum suo patrocínio impedire velit, ne homines taliter seducantur.

# XXVI.

In quinta decade pro innocenti iuventute, & aliis in gratia DEI existentibus supplicent; deprecantes matrem Christi, ut per meritum & gaudium Inventionis à Filio suo omnibus gratiam, & custodiam contrallapsam in peccatum mortale impetrare dignetur, semperque Filius ejus inveniatur in suo templo, quod sunt animæ iustorum.

*De Exercitio secunda partis Psalterij Beatae Virginis Mariae, pro die Martis*

*& Veneris.*

# XXVII.

Decadem sextam pro vniuerso statu clericali recitent, & ad pedes matris DEI supplicibus lachrimis provoluti, ingentes huius statûs miseras illi ostendant simulque petant, ut hanc nostram vitam clericalem, tanquam Domina Magistra, &  
Mater

Mater nostra, suo filio unicè velit commendare, & contra hostes suos defendere.

### XXVIII.

Decadem septimam pro iis, qui præsunt, & pro confessariis offerant, divinam assistentiam sollicitantes, quâ officia sua ad beneplacitum DEI, & salutem animarum dignè perficiant, vulneribusque peccatorum congruè medeantur.

### XXIX.

Decadem octavam pro statu Virginum, & Continentium orent, rogantes Christum spinis coronatum, ut tanquam Rex Virginum, per dolorem spinæ coronæ omnibus gratiam & custodiam suæ virginitatis & continentie largiri velit.

### XXX.

Decadem nonā pro iis, qui de præsenti, aut de futuro, in aliquo mundi angulo propter fidem, & Iusticiam, tanquam Martyres patiuntur, persolvant; similiter gratiam cæteris hominibus petant, quâ unusquisque crucem suam tollat, & Christum ad mortem usque patienter sequatur.

### XXXI.

In decima Decade non solum Imperii Romani, Regnorum & Principatuum dilacer-

cerationem ; verum etiam in fide , & moribus dissonantiam deplorent ; humillimè-que Christum Crucifixum rogent , ut omnia ad se trahere , & per humilitatem crucis superbiam & æmulationem Statuum confundere , ac pacem unitatem-que benignissimè impertiri dignetur .

*De Exercitio Tertiæ partis Psalterij Beate Virginis Mariae, pro die Mercurij & Sabbathi .*

## XXXII.

In undecima decade finalem perseverantiam in bono spiritu poscant , quemadmodum David precatus est dicens : Cor mundum crea in me Deus , & spiritum rectum innova in visceribus meis . Ne proicias me à facie tua , & Spiritum Sanctum tuum ne auferas à me . Redde mihi lætitiā salutaris tui , & spiritu principali confirma me .

## XXXIII.

In duodecima decade pro parentibus , fratribus & sororibus ; propinquis , & benefactoribus , pro omnibus sibi commissis &

commendatis memoriam faciant; gratiam  
 ipsis exposcentes quâ sic transcant per  
 bona temporalia, ut non amittant eter-  
 na.

### XXXIV.

In decima tertia decade per viscera miseri-  
 cordiæ DEI à Christo, mediante Beatâ  
 Virgine Mariâ, petant, ne Spiritum San-  
 ctum suum à Germaniâ auferat, sed mise-  
 ricorditer à spiritibus immundis hæreti-  
 corum, falsorumque Christianorum li-  
 beret; largiendo ipsi Spiritum veritatis,  
 Sanctitatis, Charitatis; Spiritum Sapien-  
 tiæ, unitatis & consilii.

### XXXV.

In decima quarta decade supplicent Beatæ  
 Virgini Mariæ pro morientibus, ut per  
 gaudium suæ gloriôsæ Assumptionis illis  
 assistere, & gratiam benè moriendi à filio  
 suo impetrare velit, ut post hanc vitam ab  
 Angelis in cœlum suscipiantur.

### XXXVI.

In decima quinta decade pro animabus ad-  
 huc in purgatorio detentis commemo-  
 rationem instituant; deprecantes Matrem  
 DEI, ut per gaudium Coronationis suæ,  
 miseris animabus liberationem à pœnis  
 pur-



purgatorii, & coronam vitæ æternæ apud  
Filium suum sollicitare dignetur.

### XXXVII.

Cæterum die Dominicâ, antequam cubi-  
tum concedant, loco Psalterii Beatæ  
Virginis Mariæ, Salvatorem suum IESVM  
Rosariolo ex triginta tribus Pater noster  
constante venerentur; postulentque ab  
eodem gratiam, quâ ad plenitudinem  
meritorum pervenire, & in stadio sic cur-  
rere possint, ut bravium vitæ æternæ ap-  
prehendant.

### XXXVIII.

Post Psalterium Beatæ Virginis Mariæ psal-  
mum de profundis, cum duabus Colle-  
ctis, nempe *Deus venia largitor*, &c. &  
*Fidelium Deus* &c. quotidie addant; ut  
animæ fidelium defunctorum, maximè  
aliis auxiliis destitutæ, à pænis solvantur.

### De Examine nocturno.

### XXXIX.

In hoc Examine, veluti in speculo quodam,  
gressus suos retro considerens; doleant ne  
vehementer de admissis delictis, & de fu-



**L**uris cavere firmiter per divinam gratiam proponant.

### X L.

**Q**uinque Pater, & Ave pro peccatis, & admissis defectibus in honorem quinque vulnerum Christi adiungant, & sensuum suorum, tam internorum, quàm externorum puritatem petant.

### X L I.

**P**er hæc statuta exercitia quotidiana Spiritualia ad quandam solitudinem cordis perpetuam, ac recollectionem mentis, nobis in medio turbarum viventibus summe necessariam, omnes pro viribus continentur; ad cuius consecutionem plurimum juvabit, si tam precibus iaculatorijs, & divinæ præsentiae familiaritati, quàm etiam piarum stationum, & personarum effusioni (modo paulò post tradendo) circa humanas suas occupationes ritè assuescant; sic, ut in omnibus, salvâ externarum actionum libertate, conversatio eorum sit in cælis.

77.

# DE DIVERSIS ORANDI MODIS,

*Quibus ad collectionem mentis, & conser-  
uationem spiritus, pro diuersitate tem-  
porum, locorum, personarum, &  
conuersationum videntur,*

## *Primus Modus.*

Primus orandi modus est, quo anima ex pec-  
catis suis, vel alienis, mentem ad DEVM  
elevat, agnoscendo reatum, deprecando-  
que veniam, & humiliando se infrà omnia  
propter nimiam vilitatem suam: sic ora-  
vit Manasses in captivitate suâ, David,  
& alij, quos imitari semper utiliter pos-  
sumus, quando peccatorum nostrorum,  
vel mundi in maligno positi, recordamur.

Secundus orandi modus est, si anima nostra  
ex beneficijs, & creaturis Dei ascendat ad  
Creatorem suum, laudando eundem, &  
admirando eiusdem sapientiam, & boni-  
tatem, &c. Ita oraverunt tres pueri in ca-  
mino ardenti, fuitque communis viris  
Sanctis.

Tertius orandi modus est, quando anima  
interdum in tentationibus, aut ad conser-  
vandam mentis recollectionem, inter

sua negotia precatiunculis utitur: sic orare solitus fuit S. Franciscus, dicendo, *Deus meus, & omnia.*

Quartus orandi modus in eo consistit, ut circa actiones suas, & res quascunque obvias, anima considerationem congruam, & spiritualem, ac utilem suscipiat, quâ mens semper (salvâ functionum debitâ libertate) unita maneat cum suo Creatore dilecto: ad acquirendum hunc orandi modum multum iuvat bona facultas imaginativa, quam homo sibi v. g. in paupere Christum; in Creatura DEVM; in leproso peccatorem; in ancillâ Martham; in igne infernum; in affato damnatos; in tubâ iudicem, &c. Spiritualiter effingat.

Quintus orandi modus fit per quandam determinatam vocum & temporum commensurationem: ut si orem Pater noster, Ave Maria, Psalmum, Breviarium, Rosarium &c. Offerendo illud tanquam verba Sancta, quibus adoratur DEVS in eiusdem laudem debitam (absque eo, quod intelligam verba, ad eaque attendam, alteri honestæ, piæque considerationi intentus) vel astringendo mentem ad sensum & affectus, qui ex prolatione  
verbo-

verborum per apprehensionem simplicem formantur; vel expendendo interim, certę alicuius vocis, ac sententię prolate significatiōem; personę, ad quam dirigitur Oratio, dignitatem; vel mei ipsius vilitatem & indigentiam.

## DE MODO MEDITANDI.

Primo; qui cupit bene meditari, pridie statuto tempore certam sibi materiam seleligere, eamque in unum, duo, vel etiam plura puncta, pro materię capacitate, dividendo, prævidere debet aliquo modo unum, vel alterum finem, quem varietas, vel sæcunditas materię per apprehensionem quandam simplicem solet proponere.

Secundo; in meditatione anima sui ipsius proprius concionator est, undè meditationis scopus eò tendit; ut per eam homo in aliqua veritate Christiana erudiat, & clarius illuminetur; vel instruatur in moribus; vel denique magis accendatur in charitate erga DEVM, & proximum, ex dictis, factisque Christi & Sanctorum eius, quę proponuntur.

Tertio; manẽ statutâ horâ aggrediatur quis

meditationem, præmissâ invocatione Spiritûs Sancti; & de puncto ad punctum exerceat memoriam, intellectum & voluntatem; quæ potentia quandoquæ pro opportunitate à phantasia iuvantur.

Quartò; memoria profert in medium materiam paratam ad meditationem faciendam, & cum necessitas exigit, alia vel lecta, vel audita, quæ ad rem faciunt, & meditationem uberiores reddunt; congruè suggerit.

Quintò; intellectus ratiocinatur circa materiam à memoria propositam, apprehendendo, iudicando, concludendo, rem unam ex aliâ deducendo. Ea porro, circa quæ versatur operatio intellectus, in ijs meditationibus, quæ non pertinent ad mysteria Christi, vel Sanctorum, varia sunt, pro varietate punctorum; in mysterijs solent esse personæ, verba & opera personarum, earundemque cogitationes, & affectus interni: virtutes quoque, modus præterea, & finis verborum, ac operum: item causa, effectus, tempus, & reliquæ circumstantiæ, quæ faciunt ad plenioris mysterij intelligentiam. Illud ordinarium est intellectui in omnibus cuiuscumque materiæ, & generis meditatio-

tionibus, ut in suâ rationatione utatur  
rationibus, exemplis, & similitudinibus  
ex scriptura, vel libris SS. PP. aliorum-  
que nobilium Scriptorum desumptis; ut  
sic intellectâ, & benè perspectâ veritate,  
varia motiva proponat voluntati; donec  
eam vincat, & ad prosecutionem, vel  
fugam rei intellectæ prorsus adducat.

**Sextò**, Voluntas afficitur ex ijs, quæ intel-  
lectus proponit: excitando in se ipsâ amo-  
rem, vel odium; desiderium, vel fugam;  
gaudium, vel tristitiam; spem, vel de-  
sperationem; audaciam, vel timorem, auc-  
iram, pro varietate rerum ac motivo-  
rum, quæ ab intellectu proponuntur. Di-  
latari autem possunt huiusmodi affectus  
multis modis: e. g. admirationis, humi-  
liationis, imitationis, laudis, obsecra-  
tionis, petitionis, prosopopeiæ, querelæ,  
reprehensionis, obiurgationis, gratiarum  
actionis, &c. eosdem conformiter triplici  
viæ, purgativæ, illuminativæ, & uniti-  
væ exercendo & attemperando.

**Septimò**, phantasia proponit loca, vultusque  
personarum, earumque morus, situm,  
magnitudinem, gravitatem; pro exigen-  
tiâ reliquarum trium potentiarum, ut  
efficaciùs & cum vivacitate exercentur.



Quarò, colloquia etiã solent esse in meditatione plura, vel pauciora: in eoque consistunt, ut meditans, quotiescumque suggerit affectus, in toto meditationis decursu, & in eius fine, colloquatur cum DEO, Christo, vel cum B. Virgine Mariã, aut cum Sanctis Angelis, reliquisque Sanctis; sive gratias agendo, sive offerendo, sive petendo, sive obsecrando, sive consulendo, sive aliquid aliud agendo pro opportunitate & exigentiã meditationis, & propriæ necessitatis: aliquando assumendo personam filij agentis cum patre: aliquando servi, loquentis cum Domino; aliquando sponsæ, loquentis cum sponso; aliquando amici, conversantis cum amico; aliquando Rei, deprecantis Iudicem; aliquando leprosi, deprecantis suum Medicum; aliquando mendici stantis ante domum divitis, &c. iuxta Spiritûs Sancti dictamen. Concludentur autem colloquia, quæ fiunt, in fine meditationis, vocali aliquâ oratione ad eas personas, quibuscum facta fuerint colloquia.

FINIS I N I S



# INSTRUCTIONES

## Concionatoribus Catholicis

valde utiles & necessariae.

### I.

**A**Nte omnia scientes intelligant oportere omnes & singuli Concionatores Catholici, hunc solum & unicum eorum esse scopum, ut prædicatione verbi DEI populum Christianum in divina veritate erudiant ad veram fidem, & promissiones divinas rectè viventibus factas exponendo erigant ad spem firmam vitæ æternæ, & denique ex tot Beneficiorum, & magnalium DEI enarratione, ad ejusdem & proximi impellant atque inflamment charitatem; ad quæ omnia, tum scriptura Sacra, tum vita Christi, & Sanctorum ejus, tum etiam traditiones Apostolicæ, Catholicorum Conciliorum declarationes, ac SS. Patrum Theologia, copiosam materiam suggerunt.

### II.

Et quia ab hoc scopo, qui solus, & unus deberet esse, hujus calamitosi temporis Prædicatores, non rarò declinantes, Apostolo teste, ad fabulas convertuntur: omnino salutare fuerit, certos quosdam limites

ponere, intra quos omnes & singuli se continere pro viribus studeant.

### III.

Superbiam, ac vanam sui complacentiam, quæ valdè Concionatorum insidiatur calca-  
neo, in semetipsis pullulare non sinant; ipsa  
enim mater est omnium malorum, quæ spiri-  
tus fervorem extinguit, novitates excogitat,  
texit subtilitates, involucra verborum quæ-  
rit, parturiunt montes. Pōnit in cælum os  
suum; ita ut neglectâ omni humilitate & sim-  
plicitate (quæ sunt animæ Concionatorum)  
studeant placere hominibus.

### IV.

Et quoniam ea, quæ in publicis cathedris  
prædicantur, debent niti defæctæ veritatis  
authoritate, ab omnium apocryphorū som-  
nijs prorsus abstinentes, pro auditorum suo-  
rum capacitate, sanam & solidam doctrinam  
decerpant ex sacra Scriptura, & Sanctorum  
Patrum scriptis velut imperturbatæ veritatis,  
authoritatique fontibus: in hunc finem,  
unusquisque Pastor animarum Sacram Scrip-  
turam, libros Sanctorum Patrum; item Con-  
cilia generalia, & particularia; unum sanum  
Sac. Scripturæ interpretem, aliosque paucos,  
sed solidos libros sibi procuret.

## V.

Teneant omnes formam sanctorum verborum : in omnibus autem se ipsos præbeant exemplum bonorum operum ; in doctrinâ , in integritate , in gravitate , verbum sanum , irreprehensibile ; ut is , qui ex adverso est , vereatur , nihil habens malum dicere de nobis *ad Tit. 2.*

## VI.

Caveant, ne conciones suas ex nimis subtilibus , & rudium auditorum captui minus accommodatis discursibus contexant , quales interdum ex abstrusis Theologorum & Philosophorum disputationibus , magis ad vanam scientiæ ostentationem , quàm fidelium ædificationem proferuntur : sed ad exemplum Christi , etiam utantur parabolis , similitudinibusque modestis , quibus clarè proponantur ea quæ sunt honesta , utilia , & necessaria ad vitam æternam ,

## VII.

Præterea cum multi reperiantur , qui parcentes labori ad exquirendam solidam doctrinam , toti sunt in narrandis curiosis , & varijs historijs ; imposterum omnibus & singulis interdicitur , ut supra cathedram nullas historias , aut miracula ; multò minus revelationes , & apparitiones hominibus factas

(maximè quæ homines ad pusillanimitatem solent inducere) ex obvijs quibusque incertæ fidei Authoribus enarrare præsumât: sed ad S. præcipuè scripturam, quæ exemplis abundat, recurrentes, ad ædificationem populi sui singula proponant, & declarent in sensu, & doctrinâ sanâ.

## VIII.

Sicut conciones, quæ procedunt ex corde humili, indifferenti, simplici, mansueto, & ex fervore charitatis erga DEVM, & salutem animarum cooperante Spiritûs Sancti gratiâ, mirè corda hominum afficiunt, multosque fructus spirituales generant; ita è diametro in cassum eunt, imò scandala pariunt ex conciones, quæ promanant ex indiffereto zelo, studio placendi hominibus, & quâvis animi passione: & quia non pauci Concionatores hujus sæculi carnalis sincero & puro charitatis fervore suâ culpâ destituuntur, contingit, ut ex tam frequentibus concionibus tam raræ sequantur cordium compunctiones, ac conversiones hominum peccatorum ad veram pœnitentiam.

## IX.

Prædicto charitatis fervori sincerè, & ex animo innitentes, ita indifferenter se gerant, ac si neminem auditorum illius loci novissent,

exhibentes se omnibus & singulis salem terræ, & lucem mundi.

## X.

Prorsus sedatis animi sui passionibus ad Cathedram accedant; neminem ex professo lædant aut pungant; neque invehantur in vitia particularium personarum, præsertim Magistratum, Iudicum & Præfectorum loci: huiusmodi enim indiscretæ correptiones, cum scandala, rixas, & exacerbationes animorum, & mala quandoque maxima gignant, prorsus omitti debent; poterunt tamen quandoque scorsim in verâ charitate, & fervore spiritûs insinuari.

## XI.

Abstineant sectariorum nostri temporis parentes super Cathedrâ damnare, neque carpant Ministrorum eorundem vitam, & conciones; aut instar furia in eos tanquam hæreticos invehantur, tametsi prius ab adversarijs provocentur: dicit enim Sapiens proverb. 26. *Ne respondeas Stulto juxta Stultitiam suam ne efficiaris ei similis.*

## XII.

Fundamenta fidei nostræ Catholicæ, in quibus sectarij à nobis discrepant, solidè & clarè explicent; & si per conciones prædicantium immodestè laceessantur, instar alicuius molossi latrante post eum catulo, in solitâ

suâ modestiâ , mansuetudine , humilitate , patientiâ , & sinceri sui erga omnes amoris ostensione fortiter pergant , modestè redarguentes ipsorum calumnias ; & falsitates ; juxta eundem Sapientem , dicto proverb. 26. *Responde stulto juxta stultitiam suam , ne sibi sapiens esse videatur .*

## XIII.

Et quia Ecclesia Catholica est in possessione imperturbatæ veritatis , & continuæ successionis à Christo , & Apostolis usque ad hæc tempora ; populum sibi subjectum in hac soliditate & antiquitate ( quæ est efficacissimum veræ fidei argumentum ) de possessione consolentur ; Adversarios verò semper ad probationem suæ novæ sectæ , quæ nullam , habet soliditatem , neque antiquitatem , multò minùs unitatem aliquam , meritò remittant ,

## XIV.

Sicut nulla est secta tam absurda , quæ non rationum coloribus , veritatem præferentibus depingi ; ita nulla est veritas tam sancta , solida , & antiqua , quæ non falsis sophismatibus queat impugnari : unde caveant , & declinent prudenter hunc labyrinthum humanarum rationum , subtilitatum , vel potius spinarum , & , instar leonis in suo antro , subsistant in traditionibus Apostolicis , in anti-

quitate



quitatibus sanctis, & in sensu Sacrae Scripturae, quem tenent & tradunt nobis Concilia Sacra, Sancti Patres, & quem etiamnum tenet Sancta Mater nostra, Catholica & Orthodoxa Ecclesia. Filiorum enim hujus saeculi est proprium, quod non sit finis disputationis eorum; & quod plus disputant, eo plus se involvunt; iuxta illud 2. *Tim.* 3. semper discentes, & nunquam ad scientiam veritatis pervenientes. X V.

Tam in concionibus, quam in privatis discursibus, omni modo curent, ut sinistras opiniones, malasque informationes, quas plurimi de fide & Ecclesiâ habent, ab animis eorum removeant, suaviter & modestè demonstrando concordantiam, & discordantiam Religionis nostrae cum sectis Aduersariorum; quidque teneat, & quomodo sentiat Ecclesia Catholica in rebus singulis.

## X VI.

Antequam ascendam Cathedram, prosterant se ad pedes imaginis Crucifixi IESV Christi; & efferant ipsi cum summo, quo possunt, teneritudinis affectu instantem suam concionem, intinè & humillimè supplicantes, quatenus ex eâ cooperante Spiritus Sancti gratiâ, populus pretioso ejus sanguine redemptus ædificetur, compungatur, & convertatur.



## MANIPVLVS

Piarum precum, & exerci-  
tiorum,

Pro usu Clericorum Sæcularium in commune  
viventium,

## STATIO MATVTINA.

*Manè prima evigilantium cogitatio sit ad  
DEVM hac precatiuncula:*

**B**ENEDICTA sit Sancta, & individua  
Trinitas, nunc & semper, & per infini-  
ta sæcula sæculorum, Amen.

*Dum surgunt; signent se signo sanctæ Crucis,  
dicantque:*

In nomine Patris, & Filij, & Spiritûs San-  
cti. Amen.

In nomine Domini mei IESV CHRISTI  
furgo, qui me redemit suo pretioso sanguine;  
ille me benedicat, regat, custodiat, & ad  
vitam perducatur æternam. Amen.

*Dum se vestibus induunt, finem suum ulti-  
mum recogitantes, Deo se, & omnia sua offerant,  
sequenti precatique:*

**O** Dominus meus, DEVS meus, & omnia; iustitia mea, bonitas mea, & misericordia mea: fiat à te, ut in unione meritum Vitæ, Passionis, Resurrectionis, & Ascensionis Domini nostri IESV CHRISTI, sicuti & sub patrocinio Beatissimæ Virginis MARIÆ, ac Sanctorum Seraphim, Cherubim, Thronorum, Dominationum, Virtutum, Potestatum, Principatum, Archangelorum, Angelorum, Patriarcharum, Prophetarum, Apostolorum, Martyrum, Confessorum, Virginum & Viduarum, omnes mei tam boni, quàm indifferentes cogitatus, intentiones, suspiria, vota, preces, & exercitia, verba, opera, omissiones, commoda, incommoda, tentationes, angustia, adversitates, contemptus, irrisiones, unâ cum omnibus devotorum tuorum precibus, laboribus, tribulationibus & quibuscumque necessitatibus ad maiorem sanctissimi Nominis tui gloriam unicè cedant: & tu tantum DEVS meus agnoscaris ab omnibus, timearis, amaris lauderis. Benedictus DEVS, qui vivis & regnas in sæcula sæculorum, Amen.

*Ad Beatissimam Virginem.*

O Domina mea Sancta MARIA, me in tuam benedictam fidem, ac singularem custodiam, & in sinum misericordiæ tuæ, ho-

diè & quotidie, & in horâ exitûs mei, animam meam & corpus meum tibi commendo; omnem spem & consolationem meam, omnes angustias & misérias meas, vitam & finem vitæ meæ tibi committo, ut per tuam sanctissimam intercessionem, & per tua merita, omnia mea dirigantur, & disponantur eloquia, cogitationes & opera, secundum tuam tuicquæ Filij voluntatem, & meam ac totius Ecclesiæ utilitatem ac necessitatem, Amen.

*Ad Sanctum Angelum Tutelarem.*

Angele DEI qui custos es mei, me tibi commissum pietate supernâ hodiè illumina, custodi, rege, & gubernâ.

*vel*

Angele mi custos tuæ me commendo tutelæ, cui me custodiendum Divina Bonitas commendavit: duc quæso cæcum, ignorantem instrue, imbecillum conforta, pupillum tueri, errantem reduc, pigrum impelle, dormientem excita, gradientem promove; & extremam illam difficilemque luctam, quæ cû morte & dæmone mihi aliquandô futura est, felicem esse procura, ut in vestrum consortium anima meâ, cum vicerit, recepta lætè decanter, laqueus contritus est, & nos liberati sumus, Amen.

*Ad omnes Sanctos*

Sancti DEI omnes intercedant pro nobis  
ad Dominum, ut nos mereamur ab eo adju-  
vari, & salvari, qui vivit & regnat in sæcula  
sæculorum, Amen.

*vel*

Sancti & electi Patroni mei, N. N. & om-  
nes Sancti, rogo vos & deprecor, subvenite  
mihi miseremini mei, corrigite & erigite  
me misericorditer, & orate pro me instanter,  
ut per vos mihi detur à Deo conscientia san-  
cta, gratia Spiritûs Sancti, virtus Sacramen-  
torum, augmentum gratiæ, virtutum Theo-  
logicarum, & Cardinalium studium conver-  
satio honesta, vita honorabilis, & consum-  
matio laudabilis, ut ad vos pervenire me-  
rear. Per Christum Dominum nostrum.  
Amen.

*Dum se lavant,*  
Aspirent ad Dominum Deum, & petant purita-  
tem cogitationum, rectitudinem verborum, &  
operum Sanctitatem hac oratione  
Munda Domine cor meum, ac labia mea,  
ut te ac tua tantum cogitem; & quod cor sen-  
tis interius, hoc lingua proferat exterius.  
Da virtutem manibus meis ad abstergendam  
omnem maculam, ut sine pollutione mentis  
& corporis tibi servire valeam, Amen.

ponere, intra quos omnes & singuli se continere pro viribus studeant.

### III.

Superbiam, ac vanam sui complacentiam, quæ valdè Concionatorum infidiatur calca-  
neo, in semetipsis pullulare non sinant; ipsa enim mater est omnium malorum, quæ spiri-  
tûs fervorem extinguit, novitates excogitat,  
texit subtilitates, involucra verborum quæ-  
rit, parturiunt montes. Iponit in cælum os  
suum; ita ut neglectâ omni humilitate & sim-  
plicitate (quæ sunt animæ Concionatorum)  
studeant placere hominibus.

### IV.

Et quoniam ea, quæ in publicis cathedris  
prædicantur, debent niti defæctæ veritatis  
authoritate, ab omnium apocryphorû som-  
nijs prorsus abstinentes, pro auditorum suo-  
rum capacitate, sanam & solidam doctrinam  
decerpant ex sacra Scriptura, & Sanctorum  
Patrum scriptis velut imperturbatæ veritatis,  
authoritatique fontibus: in hunc finem,  
unusquisque Pastor animarum Sacram Scrip-  
turam, libros Sanctorum Patrum; item Con-  
cilia generalia, & particularia; unum sanum  
Sac. Scripturæ interpretem, aliosque paucos,  
sed solidos libros sibi procuret.

## V.

Teneant omnes formam sanctorum verborum : in omnibus autem se ipsos præbeant exemplum bonorum operum ; in doctrinâ , in integritate , in gravitate , verbum sanum ; irreprehensibile ; ut is , qui ex adverso est , vereatur , nihil habens malum dicere de nobis *ad Tit. 2.*

## VI.

Caveant, ne conciones suas ex nimis subtilibus , & rudium auditorum capui minus accommodatis discursibus contexant , quales interdum ex abstrusis Theologorum & Philosophorum disputationibus , magis ad vanam scientiæ ostentationem , quàm fidellum ædificationem proferuntur : sed ad exemplum Christi , etiam utantur parabolis , similitudinibusque modestis , quibus clarè proponantur ea quæ sunt honesta , utilia , & necessaria ad vitam æternam ,

## VII.

Præterea cum multi reperiantur , qui patientes labori ad exquirendam solidam doctrinam , toti sunt in narrandis curiosis , & varijs historijs ; imposterum omnibus & singulis interdicitur , ut supra cathedram nullas historias , aut miracula ; multò minùs revelationes , & apparitiones hominibus factas



(maximè quæ homines ad pusillanimitatem solent inducere) ex obvijs quibusque incertæ fidei Authoribus enarrare præsumât: sed ad S. præcipuè scripturam, quæ exemplis abundat, recurrentes, ad ædificationem populi sui singula proponant, & declarent in sensu, & doctrinâ sanâ.

## VIII.

Sicut conciones, quæ procedunt ex corde humili, indifferenti, simplici, mansueto, & ex fervore charitatis erga DEVM, & salutem animarum cooperante Spiritûs Sancti gratiâ, mirè corda hominum afficiunt, multosque fructus spirituales generant; ita è diametro in cassum eunt, imò scandala pariunt eæ conciones, quæ promanant ex indiscreto zelo, studio placendi hominibus, & quâvis animi passione: & quia non pauci Concionatores hujus sæculi carnalis sincero & puro charitatis fervore suâ culpâ destituuntur, contingit, ut ex tam frequentibus concionibus tam raræ sequantur cordium compunctiones, ac conversiones hominum peccatorum ad veram poenitentiam.

## IX.

Prædicto charitatis fervori sincerè, & ex animo innitentes, ita indifferenter se gerant, ac si neminem auditorum illius loci novissent,



exhibentes se omnibus & singulis salem terræ, & lucem mundi.

## X.

Prorsus sedatis animi sui passionibus ad Cathedram accedant; neminem ex professo lædant aut pungant; neque invehantur in vitia particularium personarum, præsertim Magistratum, Iudicum & Præfectorum loci: huiusmodi enim indiscretæ correptiones, cum scandala, rixas, & exacerbationes animorum, & mala quandoque maxima gignant, prorsus omitti debent; poterunt tamen quandoque scorsim in verâ charitate, & fervore spiritûs insinuari.

## XI.

Abstineant sectariorum nostri temporis parentes super Cathedrâ damnare, neque carpant Ministrorum eorundem vitam, & conciones; aut instar furia in eos tanquam hæreticos invehantur, tametsi prius ab adversarijs provocentur: dicit enim Sapiens proverb. 26. *Ne respondeas Stulto juxta Stultitiam suam ne efficiaris ei similis.*

## XII.

Fundamenta fidei nostræ Catholicæ, in quibus sectarij à nobis discrepant, solidè & clarè explicant; & si per conciones prædicationum immodestè laceffantur, instar alicujus molossi latrante post eum catulo, in solitâ

suâ modestiâ , mansuetudine , humilitate , patientiâ , & sinceri sui erga omnes amoris ostensione fortiter pergant , modestè redarguentes ipsorum calumnias ; & falsitates ; juxta eundem Sapientem , dicto proverb. 26. *Responde stulto juxta stultitiam suam , ne sibi sapiens esse videatur .*

## XIII.

Et quia Ecclesia Catholica est in possessione imperturbatæ veritatis , & continuæ successionis à Christo , & Apostolis usque ad hæc tempora ; populum sibi subiectum in hac soliditate & antiquitate ( quæ est efficacissimum veræ fidei argumentum ) de possessione consolentur ; Adversarios verò semper ad probationem suæ novæ sectæ , quæ nullam , habet soliditatem , neque antiquitatem , multò minùs unitatem aliquam , meritò remittant ,

## XIV.

Sicut nulla est secta tam absurda , quæ non rationum coloribus , veritatem præferentibus depingi ; ita nulla est veritas tam sancta , solida , & antiqua , quæ non falsis sophismatibus queat impugnari : unde caveant , & declinent prudenter hunc labyrinthum humanarum rationum , subtilitatum , vel potius spinarum , & , instar leonis in suo antro , subsistant in traditionibus Apostolicis , in antiqua-

quitatibus sanctis, & in sensu Sacrae Scripturae, quem tenent & tradunt nobis Concilia Sacra, Sancti Patres, & quem etiamnum tenet Sancta Mater nostra, Catholica & Orthodoxa Ecclesia. Filiorum enim hujus sæculi est proprium, quod non sit finis disputationis eorum; & quod plus disputant, eò plus se involvunt; iuxta illud 2. *Tim.* 3. semper discantes, & nunquam ad scientiam veritatis pervenientes. X V.

Tam in concionibus, quam in privatis discursibus, omni modo curent, ut sinistras opiniones, malasque informationes, quas plurimi de fide & Ecclesiâ habent, ab animis eorum removeant, suaviter & modeste demonstrando concordantiam, & discordantiam Religionis nostræ cum sectis Aduersariorum; quidque teneat, & quomodo sentiat Ecclesia Catholica in rebus singulis.

## X VI.

Antequam ascendant Cathedram, prosternant se ad pedes imaginis Crucifixi IESV Christi; & offerant ipsi cum summo, quo possunt, teneritudinis affectu instantem suam concionem, intinè & humillimè supplicantes, quatenus ex eâ cooperante Spiritus Sancti gratiâ, populus pretioso ejus sanguine redemptus ædificetur, compungatur, & convertatur.

## MANIPVLVS

Piarum precum, & exerci-  
tiorum,

Pro usu Clericorum Sæcularium in commune  
viventium.

## STATIO MATVTINA.

*Mare prima euigilantium cogitatio sit ad  
DEVM hac precatinnula:*

**B**ENEDICTA sit Sancta, & individua  
Trinitas; nunc & semper, & per infini-  
ta sæcula sæculorum, Amen:

*Dum surgunt; signent se signo sanctæ Crucis,  
dicantque:*

In nomine Patris, & Filij, & Spiritûs San-  
cti. Amen,

In nomine Domini mei IESV CHRISTI  
surgo, qui me redemit suo pretioso sanguine;  
ille me benedicat, regat, custodiat, & ad  
vitam perducatur æternam. Amen.

*Dum se vestibus induunt, finem suum ulti-  
mum recogitantes, Deo se, & omnia sua offerant,  
sequenti precatique:*

**O** Dominus meus, DEVS meus, & omnia; iustitia mea, bonitas mea, & misericordia mea: fiat à te, ut in unione meritum Vitæ, Passionis, Resurrectionis, & Ascensionis Domini nostri IESV CHRISTI, sicuti & sub patrocínio Beatissimæ Virginis MARIE, ac Sanctorum Seraphim, Cherubim, Thronorum, Dominationum, Virtutum, Potestatum, Principatum, Archangelorum, Angelorum, Patriarcharum, Prophetarum, Apostolorum, Martyrum, Confessorum, Virginum & Viduarum, omnes mei tam boni, quàm indifferentes cogitatus, intentiones, suspiria, vota, preces, & exercitia, verba, opera, omissiones, commoda, incommoda, tentationes, angustiae, adversitates, contemptus, irrisiones, unâ cum omnibus devotorum tuorum precibus, laboribus, tribulationibus & quibuscumque necessitatibus ad maiorem sanctissimi Nominis tui gloriam unicè cedant: & tu tantum DEVS meus agnoscaris ab omnibus, timearis, amaris lauderis. Benedictus DEVS, qui vivis & regnas in sæcula sæculorum, Amen.

*Ad Beatissimam Virginem.*

O Domina mea Sancta MARIA, me in tuam benedictam fidem, ac singularem custodiam, & in sinum misericordiae tuae, ho-

diè & quotidie, & in horâ exitûs mei, ani-  
mâ meam & corpus meum tibi commendo;  
omnem spem & consolationem meam, om-  
nes angustias & misérias meas, vitam & finē  
vitæ meæ tibi committo, ut per tuam sanctis-  
simam intercessionem, & per tua merita, om-  
nia mea dirigantur, & disponantur eloquia,  
cogitationes & opera, secundum tuam tui-  
que Filij voluntatem, & meam ac totius Ec-  
clesiæ utilitatem ac necessitatem, Amen.

*Ad Sanctum Angelum Tutelarem.*

Angele DEI qui custos es mei, me tibi cō-  
missum pietate supernâ hodiè illumina, cu-  
stodi, rege, & gubernâ.

*vel*

Angele mi custos tuæ me commendo tute-  
læ, cui me custodiendum Divina Bonitas cō-  
mendavit: duc quæso cæcum, ignorantem  
instrue, imbecillum conforta, pupillum tue-  
re, errantem reduc, pigrum impelle, dor-  
mientem excita, gradientem promove, &  
extremam illam difficilemque luctam, quæ cū  
morte & dæmone mihi aliquandô futura est,  
felicem esse procura, ut in vestrum confor-  
tium anima mea, cum vicerit, recepta latè  
decanter, laqueus contritus est, & nos libe-  
rati sumus, Amen.



*Ad omnes Sanctos*

Sancti DEI omnes intercedant pro nobis  
ad Dominum, ut nos mereamur ab eo adju-  
vari, & salvari, qui vivit & regnat in sæcula  
sæculorum; Amen.

*vel*

Sancti & electi Patroni mei, N.N. & om-  
nes Sancti, rogo vos & deprecor, subvenite  
mihi miseremini mei, corrigite & erigite  
me misericorditer, & orate pro me instanter,  
ut per vos mihi detur à Deo conscientia san-  
cta, gratia Spiritûs Sancti, virtus Sacramen-  
torum, augmentum gratiæ, virtutum Theo-  
logicarum, & Cardinalium studium conver-  
satio honesta, vita honorabilis, & consum-  
matio laudabilis, ut ad vos pervenire me-  
rear. Per Christum Dominum nostrum.  
Amen.

*Dum se lavant,*  
Aspirent ad Dominum Deum, & petant purita-  
tem cogitationum, rectitudinem verborum, &  
operum Sanctitatem hac oratione  
Munda Domine cor meum, ac labia mea  
ut te ac tua tantum cogitem; & quod cor sen-  
tit interius, hoc lingua proferat exteriùs.  
Da virtutem manibus meis ad abstergendam  
omnem maculam, ut sine pollutione mentis  
& corporis tibi servire valeam, Amen.



*Ad asperſionem aqua benediſta :*

Asperge me Domine rore gratiæ tuæ, munda me à peccatis ; doleo enim quod te, quem super omnia diligo ; unquam offenderim : extingue in me omnem affectum tibi adversum, ut te solum amem & glorificem in perpetuum. Amen.

*Deinde antè altare domesticum flexis genibus alternatim pro felici morte recitent Litanias Lauretanas.*

**Litaniæ Lauretanæ.**

**K**rie eleyſon,  
 Chriſte eleyſon,  
 Kyrie eleyſon,  
 Chriſte audi nos,  
 Chriſte exaudi nos,  
 Pater de cœlis DEVS, miſerere nobis.  
 Fili redemptor mundi DEVS, miſerere nobis  
 Spiritus ſancte DEVS, miſerere nobis.  
 Sancta Trinitas unus DEVS, miſerere nobis.  
 Sancta Maria, Ora pro nobis.  
 Sancta DEI Genitrix,  
 Sancta Virgo Virginum,  
 Mater Chriſti,  
 Mater divini gratiæ,  
 Mater puriſſima,

Mater

Mater castissima.	ora.
Mater inviolata,	ora.
Mater intemerata,	ora.
Mater amabilis,	ora.
Mater admirabilis,	ora.
Mater Creatoris,	ora.
Mater Salvatoris,	ora.
Virgo prudentissima,	ora.
Virgo veneranda,	ora.
Virgo prædicanda,	ora.
Virgo potens,	ora.
Virgo clemens,	ora.
Virgo fidelis,	ora.
Speculum justitiæ,	ora.
Sedes Sapientiæ,	ora.
Causa nostræ lætitiæ,	ora.
Vas spirituale,	ora.
Vas honorabile,	ora.
Vas insigne devotionis,	ora.
Rosa mystica,	ora.
Turris Davidica,	ora.
Turris eburnea,	ora.
Domus aurea,	ora.
Fœderis arca,	ora.
Ianua cœli,	ora.
Stella matutina,	ora.
Salus infirmorum,	ora.
Refugium peccatorum,	ora.

Consolatrix afflictorum , ora.  
 Auxilium Christianorum , ora.  
 Regina Angelorum , ora.  
 Regina Patriarcharum , ora.  
 Regina Prophetarum , ora.  
 Regina Apostolorum , ora.  
 Regina Martyrum , ora.  
 Regina Confessorum , ora.  
 Regina Virginum , ora.  
 Regina Sanctorum omnium , ora.

Agnus DEI, qui tollis peccata mundi ,  
 parce nobis Domine .

Agnus DEI, qui tollis peccata mundi ,  
 exaudi nos Domine .

Agnus DEI, qui tollis peccata mundi ,  
 miserere nobis .

Christe audi nos .

Christe exaudi nos .

Kyrie eleison .

Christe eleison .

Kyrie eleison .

Ave Maria , &c.

*Antiphona .*

**S**yb tuum praesidium confugimus Sancta  
 DEI Genitrix: nostras deprecationes ne  
 despicias in necessitatibus nostris; sed a pe-  
 riculis cunctis libera nos semper Virgo glo-  
 riosa & benedicta .

V. Ora pro nobis Sancta DEI Genitrix.

R. Vt digni efficiamur promissionibus Christi.

*Oremus.*

**G**ratiam tuam, quæsumus Domine, mentibus nostris infunde; ut, qui, Angelo nuntiantes Christi Filij tui Incarnationem cognovimus, per passionem ejus & Crucem ad resurrectionis gloriam perducamur. Per eundem Christum Dominum nostrum. Amen.

V. Ora pro nobis Beatissime Ioseph.

R. Vt digni efficiamur promissionibus Christi.

*Oremus.*

**S**anctissimæ Genitricis tuæ Sponsi, quæsumus Domine, meritis adjuvemur; ut quod possibilitas nostra non obrinet, ejus nobis intercessione donetur. Qui vivis & regnas in sæcula sæculorum Amen.

*Addantur sequentes versiculi & responsoria cum oratione pro Ordinario loci.*

V. Salvum fac famulum tuum Nemo.

R. Deus meus sperantem in te.

V. Esto ei, Domine, turris fortitudinis.

R. A facie inimici.

V. Nihil proficiat inimicus in eo.

R. Et filius iniquitatis non apponat nocere ei.

V. Domine exaudi orationem meam.

R. Et clamor meus ad te veniat.

**O**mnipotens sempiterne Deus, qui facis  
 mirabilia magna solus, prætende super  
 famulum tuum N. & super gregem ei com-  
 missum Spiritum gratiæ salutaris; &, ut in  
 veritate tibi placeat, perpetuum ei rorem tuæ  
 benedictionis infunde. Per Dominum nostrum  
 IESUM Christum Filium tuum, qui tecum vi-  
 vit & regnat in unitate ejusdem Spiritûs sancti  
 Deus, per omnia sæcula sæculorum. Amen.

*Vers. Nos cum prole piâ*

*Resp. Benedicat Virgo Maria.*

*Hisce precibus finitis, probè se examinent sub  
 silentio in tribus punctis.*

*Primò. Quomodo præterita nocte, antequam  
 cubitum concesserunt, conscientiam suam exa-  
 minaverint.*

*Secundò. Quomodo preces & exercitia com-  
 plexerint; & in quibus cogitationibus, atque de-  
 sideriis dormitum se contulerint.*

*Tertiò. Quomodo se noctu, & manè usque  
 ad examen gesserint.*

*Conscientia sic discussa super peccata memo-  
 rata, & alia totius vitæ, contritionem eliciant,  
 cum firmo proposito mendationis piæ.*

*Praxis actus contritionis frequentè exer-  
 cendi.*

**O** Amantissime IESV, doleo ex toto corde meo, quod te DEVM meum, creatorem meum, Salvatorem meum, summum bonum meum hisce peccatis meis, quæ detestor super omnia detestabilia, offenderim: ideo in abyssum misericordiae tuae me conijcio, & propono firmiter amplius non peccare, omnesque peccandi occasiones devitare, vel centies mori. Speciatim gratiam tuam invoco, quâ me ab N. vitio, quod Majestati tuae in me multum displicet, potenter hâc die, & totâ vitâ meâ præserve, & virtutem N. eidem contrariam misericorditer animo meo inseras. Qui vivis & regnas in sæcula sæculorum. Amen.

Denique subiungant tria: *Pater*, & *Ave*, in honorem sanctissimæ Trinitatis pro augmento trium virtutum Theologicarum Fidei, Spei, & Charitatis; ac rectitudine cogitationum, verborum, & operum, item pro lumine, gratia & benedictione supernaturali; tanquàm medio ad bonum usum triplicis huius operationis nostræ valde necessario, impetrandis.

### STATIO MERIDIANA.

Vno quadrante ante corporis refectionem meridiana, redeant ad altare domesticum, & flexis genibus, clara voce pro impetranda unitate ac charitate fraterna inter membra huius vitæ clericalis Litanias omnium Sanctorum recitent.



# LITANIÆ SANCTO- RVM OMNIVM.

**K**Yrie eleison. **K**Yrie eleison. **K**Yrie eleison.  
 Christe exaudi nos. **K**Yrie eleison. **K**Yrie eleison.  
 Christe exaudi nos. **K**Yrie eleison. **K**Yrie eleison.  
 Christe exaudi nos. **K**Yrie eleison. **K**Yrie eleison.  
 Pater de coelis DEVS, miserere nobis.  
 Fili Redemptor mundi DEVS, miserere nobis.  
 Spiritus Sancte DEVS, miserere nobis.  
 Sancta Trinitas unus DEVS, miserere nobis.  
 Sancta MARIA, ora pro nobis.  
 Sancta DEI Genitrix, ora pro nobis.  
 Sancta Virgo Virginum, ora pro nobis.  
 Sancte Michael, ora pro nobis.  
 Sancte Gabriel, ora pro nobis.  
 Sancte Raphael, ora pro nobis.  
 Omnes sancti Angeli, & Archangeli, orate.  
 Omnes sancti beatorum spirituum Ordines, orate.  
 Sancte Ioannes Baptista, ora pro nobis.  
 Omnes Sancti Patriarchae, & Prophetae, orate.  
 Sancte Petre, ora pro nobis.  
 Sancte Paule, ora pro nobis.  
 Sancte Andrea, ora pro nobis.  
 Sancte Iacobe, ora pro nobis.  
 Sancte Ioannes, ora pro nobis.



Sancte Thomā,  
 Sancte Iacobe,  
 Sancte Philippe,  
 Sancte Bartholomæe,  
 Sancte Matthæe,  
 Sancte Simōn,  
 Sancte Thaddæe,  
 Sancte Matthia,  
 Sancte Barnabæ,  
 Sancte Luca,  
 Sancte Marce,  
 Omnes sancti Apostoli, & Evangelistæ,  
 Omnes sancti Discipuli, Domini,  
 Omnes sancti Innocentes,  
 Sancte Stephane,  
 Sancte Laurenti,  
 Sancte Vincenti,  
 Sancti Fabiane, & Sebastianæ,  
 sancti Ioannes, & Paule,  
 sancti Cosma, & Damiane,  
 sancti Gervasi & Provasi,  
 Omnes sancti Martyres,  
 sancte Syluester,  
 sancte Gregori,  
 sancte Ambrosi,  
 sancte Augustine,  
 sancte Hieronymæ,  
 sancte Martine,  
 sancte

sancte Nicolae,	ora.
Omnes sancti Pontifices, & Confessores,	orat.
Omnes sancti Doctores,	orate.
sancte Antoni,	ora.
sancte Benedicte,	ora.
sancte Bernarde,	ora.
sancte Dominice,	ora.
sancte Franciscæ,	ora.
Omnes sancti sacerdotes & Levitæ,	orate.
Omnes sancti Monachi, & Eremitæ,	orate.
sancta Maria Magdalena,	ora.
sancta Agatha,	ora.
sancta Lucia,	ora.
sancta Agnes,	ora.
sancta Cæcilia,	ora.
sancta Catharina,	ora.
sancta Anastasia,	ora.
Omnes sanctæ Virgines, & Viduæ,	orate.
Omnes sancti & sanctæ Dei, intercedite	
pro nobis.	
Propitius esto, parce nobis Domine.	
Propitius esto, exaudi nos Domine.	
Ab omni malo,	libera nos Domine.
Ab omni peccato,	lib.
Ab ira tua,	lib.
A subitanea, & improvisa morte,	lib.
Ab insidijs diaboli,	lib.
Ab ira, & odio, & omni mala voluntate,	lib.

A spiritu fornicationis,	lib.
A fulgure & tempestate,	lib.
A morte perpetua,	lib.
Per mysterium sanctæ Incarnationis tuæ,	lib.
Per adventum tuum,	lib.
Per nativitatem tuam,	lib.
Per baptismum & sanctum Ieiunium tuum,	lib.
Per Crucem & passionem tuam,	tib.
Per mortem & sepulturam tuam,	lib.
Per sanctam resurrectionem tuam,	lib.
Per admirabilem ascensionem tuam,	lib.
Per adventum Spiritûs sancti Paracliti,	lib.
In die Iudicij,	lib.
Peccatores, Te rogamus audi nos.	
Vt nobis parcas,	te rog.
Vt nobis indulgeas,	te rog.
Vt ad veram poenitentiam nos perducere digneris,	te rog.
Vt Ecclesiam tuam sanctam regere, & conservare digneris,	te rog.
Vt Dominum Apostolicum & omnes Ecclesiasticos Ordines in sancta Religione conservare digneris,	te rog.
Vt inimicos sanctæ Ecclesiæ humiliare digneris,	te rog.
Vt Regibus & Principibus Christianis pacem & veram concordiam donare digneris,	te.
Vt cuncto populo Christiano pacem & unitatem	tem

tem largiri digneris, te rog.  
 Ut nosmetipsos in tuo sancto servitio confor-  
 tare & conservare digneris, te rog.  
 Ut mentes nostras ad cœlestia desideria eri-  
 digas, te rog.

Ut omnibus benefactoribus nostris sempiter-  
 na bona retribuas, te rog.

Ut animas nostras, fratrum propinquorum, &  
 benefactorum nostrorum ab æterna dam-  
 natione eripias, te rog.

Ut fructus terræ dare, & conservare digne-  
 ris, te rog.

Ut omnibus fidelibus defunctis requiem,  
 æternam donare digneris, te rog.

Ut nos exaudire digneris, te rog.  
 Fili Dei, te rog.

Agnus Dei, qui tollis peccata mundi, parce  
 nobis Domine.

Agnus Dei, qui tollis peccata mundi, exau-  
 di nos Domine.

Agnus Dei, qui tollis peccata mundi, mise-  
 reere nobis.

Christe audi nos.  
 Christe exaudi nos.

Kyrie eleison.  
 Christe eleison.

Kyrie eleison.

Pater noster.

V. Et ne nos inducas in tentationem.

R. Sed libera nos a malo.

V. Letamini in Domino, & exultate iusti.

R. Et gloriamini omnes recti corde.

Oremus.

**O**mnipotens sempiterne Deus, qui nos omnium Sanctorum tuorum merita sub vnâ tribuisti commemoratione venerari, quaesumus, ut desideratam nobis tuæ propitiationis abundantiam multiplicatis intercessoribus largiaris. Per Christum Dominum nostrum. Amen.

*Oratio pro Ordinario loci, ut supra fol. 98. b*

Divinum auxilium maneat semper nobiscum.

R. Amen.

*Postea fiat examen breve, an proposita matutina in effectum deduxerint, & ubi deviauerint: quibus deprehensis contritionem eliciant & reliquum saltem diei cursum penè consummare intendant.*

## CONTRITIONIS ACTVS BREVIOR.

**O**IESV amore tui doleo, quod offenderim te, quem super omnia diligo: cupio omnia mea peccata, præsertim N. emendare, tibi que pro iis satisfacere per auxilium gratiæ tuæ. Amen.

*Continuò subiungant 7. Pater & Ave .*

*Per 7. Pater noster recogitent septem petitiones eius, itaut unicuique Pater noster sua petitio corresponsdeat .*

*Prima .*

**Pater noster, qui es in coelis: Sanctificetur nomen tuum .**

*Secunda .*

**Adveniat regnum tuum .**

*Tertia .*

**Fiat voluntas tua, sicut in coelo & in terra .**

*Quarta .*

**Panem nostrum quotidianum da nobis hodie .**

*Quinta .*

**Et dimitte nobis debita nostra, sicut & nos dimittimus debitoribus nostris .**

*Sexta .*

**Et ne nos inducas in tentationem .**

*Septima .*

**Sed libera nos à malo . Amen .**

*Per septem Ave Maria rogent Beatissimam Virginem Matrem Dei, ut impetrare velit à dilectissimo Filio suo septem dona Spiritus Sancti .*



1. *Petant donum timoris Domini.*
2. *Donum fortitudinis in arduis & adversis.*
3. *Donum scientia.*
4. *Donum pietatis.*
5. *Donum consilij.*
6. *Donum intellectus.*
7. *Donum sapientia, & libertatis filiorum Dei.*

Ad

## STATIO VESPERTINA.

**S**ingulis diebus vesperi ad medium sextæ adulescentes maiorum classium in loco ad hoc deputato omnes conveniant, & pro incremento gratiæ in vocatione sua Clericali vesperas & completorium, cum matutino & laudibus in diem sequentem ex officio parvo Beata Maria Virginis alternatim recitent.

Antequam cubitum cant revertantur ad altare domesticum; & Deo pro acceptis beneficijs gratias acturi, unam partem Psalterij Beatissimæ Virginis Mariæ, & Psalmum De profundis alternatim comprecantur: quibus in silentio annexent examen nocturnum, & quinque Patres & Ave.



# MODVS RECITANDI

## PSALTERIVM BEATISSIMÆ VIRGINIS Mariæ.

*Formato imprimis devotè signo Sanctæ Crucis, dicitur symbolum Apostolorum seu credo, tum Pater noster.*

*Hæc tria puncta bene notanda.*

*I. Sub symbolo Apostolorum Sanctissimæ Trinitati ac toti Curia cælesti mundi totius, ac omnium eius statuum necessitates & misérias ad commiserationem exhibeant.*

*II. Ad singulas orationes Dominicas Deo Patri Filium eius unigenitum Crucifixum, velut infiniti pretij victimam, ad maiorem precum suarum efficaciam conciliandam offerant.*

*III. Sub exordium salutationis Angelicæ in quavis decade, Beatissimam Virginem ut matrem spectent; ac mysterium in ea decade considerandum uti & petitionem ad quam dirigitur, in memoriam sibi revocent.*

*In qualibet decade, cùm perventum fuerit ad nomen IESVS, adijciatur.*

*In Rosario Gaudioſo dicendo die Lune,  
& Iouis.*

1.		Virgo concepisti.	
2.		Viſitando Eliſabe	
		tham portasti.	
Ad 3.	Quem	Virgo genuisti.	
4.		In templo preſen-	
		tasti.	
5.		In templo inveni-	
		ſti.	

S. Maria Mater Dei, &c.

*In Rosario Doloroſo, quod dicitur die Martis,  
& Veneris, nomini IESVS adſciatur.*

1.	Qui pro nobis.	Sanguinem ſudavit.	
2.		Flagellatus eſt.	
Ad 3.		Spinis coronatus eſt.	
4.		Crucem bajulavit.	
5.		Crucifixus eſt.	

S. Maria Mater,

*In Rosario Glorioſo, quod dicitur die Merc.  
& Sabbati, ad ſingulas decades poſt no-*  
*men IESVS addatur.*

1.		Reſurrexit à mortuis	
Ad 2.	Qui	In cœlum aſcendit.	
3.		Spiritū Sanctū miſit.	

S. Maria

Te

4. | Te in coelum assumpsit. |  
 5. | Te in coelis coronavit. |

### Intentiones Rosarij Gaudioſi.

- In decade.*
1. Orent pro errantibus in fide.
  2. Pro conversione existentium in peccato mortali.
  3. Pro imperfectis.
  4. Pro ſagis, maleficis, & alijs obſtinatis peccatoribus.
  5. Pro innocenti iuventute, & in gratia Dei existentibus.

### Intentiones Rosarij Doloroſi.

- In decade.*
1. Orent pro toto ſtatu Clericali.
  2. Pro ijs qui praſunt, & confeſſarijs.
  3. Pro Virginibus, & Continentibus.
  4. Pro ijs qui ob fidem, & Juſtitiam patiuntur.
  5. Pro ſtatu Politico Chriſtiana Reipublica, & praecipue pro S. R. Imperio.

### In Roſario Glorioſo.

- In decade.*
1. Orent pro perfeverantia finali in bono ſpiritu.
  2. Pro conſanguineis, benefactoribus & alijs ſibi commiſſis ac commendatis.
  3. Pro Germania.
  4. Pro morientibus.
  5. Pro animabus fidelium deſunctorum.

*Die verò Dominica venerentur Iesum Salvatorem suum Rosariolo 33. Pater noster, ad impetrandam ab eodem gratiam, qua ad plenitudinem meritorum pervenire, & in stadio sic currere possint, ut bravium vite æterna apprehendant.*

*Exordium autem fiat à symbolo Apostolorum, cui subijciantur tria Pater noster; tum ante primam decadem orationum Dominicarum præcedat unum Ave Maria: idem etiam fiet ante reliquas duas decades.*

*Post Rosarium quotidianum sequitur Psalmus De profundis cum duabus collectis pro defunctis.*

**D**E profundis clamavi ad te, Domine; Domine, exaudi vocem meam.

Fiant aures tuæ intendentes, in vocem deprecationis meæ.

Si iniquitates observaveris Domine; Domine, quis sustinebit?

Quia apud te propitiatio est; & propter legem tuam sustinui te, Domine.

Sustinuit anima mea in verbo eius; speravit anima mea in Domino.

A custodia matutina usque ad noctem speret Israel in Domino.

Quia apud Dominum misericordia, & copiosa apud eum redemptio.

Et ipse redimet Israel ex omnibus iniquitatibus ejus.

V. Requiem æternam dona eis Domine.

R. Et lux perpetua luceat eis.

V. Domine exaudi orationem meam.

R. Et clamor meus ad te veniat.

*Oremus.*

**D**Eus veniæ largitor, & humanæ salutis amator: quæsumus clementiam tuam, ut nostræ congregationis fratres, propinquos, & benefactores, qui ex hoc sæculo transierunt, Beatâ Mariâ semper Virgine intercedente cum omnibus Sanctis tuis, ad perpetuæ beatitudinis consortium pervenire concedas.

Fidelium Deus omnium Conditor, & Redemptor, animabus famulorum famularumque tuarum, remissionem cunctorum tribue peccatorum: ut indulgentiam, quam semper optaverunt, pijs supplicationibus consequantur. Qui vivis & regnas in sæcula sæculorum.

R. Amen.

*Oratio pro Ordinario loci, ut, suprâ. fol. 98.*

Divinum auxilium maneat semper nobiscum, Amen.

*Denique fiat examen nocturnum, quod consistit in quinque punctis.*

PRIMUM.

*Gratiarum actio pro beneficijs acceptis.*

O Infinita bonitas, gratias tibi ago pro omnibus  
nibus

nibus beneficijs, quæ mihi hodiè, & totâ vitâ  
meâ contulisti, tibi laus, & gloria in infinitas  
sæculorum myriadas.

## SECUNDVM.

*Luminis petitio.*

O æterna sapientia Christe IESV, da ut  
quidquid tibi hodiè in me displicuit, id mihi  
integrè in memoriam redeat.

## TERTIVM.

*Hic suam quisque conscientiam examinet, quid  
singulis horis ab ultimo examine elapsis peccave-  
rit; cogitatione, verbo, & opere; & quæ pecca-  
ta nondum confessus fuerit.*

## QUARTVM.

*Peccatorum deprecatio.*

O Inexhausta misericordia, ignosce mihi  
quidquid hodiè peccavi coram te: ego om-  
nes offensas hujus diei, & totius vitæ meæ  
depono in abyssum misericordiæ tuæ; & per  
mortem Filij tui te deprecor, ó DEVS, dimit-  
te mihi quidquid unquam in te peccavi.

## QVINTVM.

*Emendationis propositum.*

O Immensa Majestas, firmissimè propono nõ  
peccare amplius.

*Coronidis loco subiungantur quinque Pater, &  
Ave in honorem quinque vulnerum Christi pro  
remissione peccatorum, & puritate sensuum tam*



*internorum quàm externorum impetranda.*

*Exuentes se & cubitum secedentes committant se Beatissima Virgini sicut de die sapius pro com-  
moditate.*

O Domina mea Sancta MARIA, me in-  
tuam benedictam fidem &c. *ut suprà fol. 91.*

*Ad Sanctum Angelum Custodem.*

Angele DEI, qui custos es mei, me tibi  
commissum pietate supernâ, hac nocte illu-  
mina, custodi, rege & gubernâ.

*Vel*

O Amantissime Angele DEI, qui hucusque  
tam fidelis custos es mei, dignare insuper  
hac nocte cor, & corpus meum immaculatû  
conservare, ut tecum merear SS. Trinitatem  
æternum contemplari, amare, & glorificare,  
Amen.

*Ad Sanctos Patronos, & omnes Sanctos.*

Vos Sancti Patroni mei, & omnes Sancti  
Electi DEI, supplete vices meæ imperfectio-  
nis in benedicendo & laudando Domino  
meo: & impetrate mihi meisque gratiam in  
ejus amore vivendi, perseverandi, morien-  
di, tandemque ejusdem gloriâ vobiscum æter-  
num perfruendi.

*Antequam lectum ingrediantur, aspergant se  
aqua benedicta, & dicant.*

Asperge me Domine rore gratiæ tuæ &c.  
*ut suprà fol. 94.*

*Le-*



*Lectum ingressuri signent se signo S. Crucis, & dicant.*

Per signum Crucis de inimicis nostris libera nos DEVS noster.

Iesus Nazarenus, Rex Iudæorum, titulus triumphalis defendat nos ab omnibus malis. Ecce Crucem Domini nostri IESV Christi, fugite, partes adversæ; vicit leo de tribu Iuda, Radix David. Sancte DEVS, sancte fortis, sancte & immortalis miserere mei.

Benedicat me Imperialis Majestas, protegat me regalis Divinitas, custodiat me sempiterna Deitas, foveat me immensa divinitas, dirigat me inæstimabilis bonitas, gubernet me potentia Patris, vivificet me sapientia Filij, illuminet me virtus Spiritûs Sancti. Amen.

*Ex horologio P. Drexelij.*

Pater æterne, per vitam & mortem Filij tui, per omnem bonitatem tuam te rogo, concede mihi, ut in bono perseverem, & in gratia tua moriar. Bone IESV per extremas illas in cruce voces, quibus Patri Spiritum commendasti, te rogo, suscipe Spiritum in fine vitæ meæ.

Spiritus Sancte DEVS, miserere mei, & sanctâ inspiratione tuâ me semper, & potissimum in hora mortis meæ, adiuva.

Sanctissima Trinitas unus DEVS, miserere mei

mei nunc & in fine vitæ meæ. Amen.

*In lecto modestè compositi, & concellatis ante pedus brachijs in modum crucis dicant.*

Da Domine, ut singulæ meæ respirationes totâ hâc nocte tibi laudem, & gloriam exhibeant. Amen.

In manus tuas Domine commendo spiritum meum.

In pace in idipsum dormiam, & requiescâ.

## MODVS OBEVNDI SACRAMENTVM POENITENTIÆ.

*Oratio ante Examen conscientia.*

Æterne Parens, Pater misericordiarum, & DEVS totius consolationis, peccata mea examinaturus, vehementer confundor; sed tu nosti omnia, & eorum gravitatem & numerum & indignitatem habes perspectam. Tu enim scrutaris corda & renes, o DEVS meus! Rogo te humillimè, ut omnia & singula per gratiam tuam possim recordari, expendere & deplorare. Concede mihi Spiritum Sanctum tuum, qui mihi eorum memoriam refricet, cogitationes & discussionem mentis meæ dirigat, & dolorem animi mei, qui peccata mea diluere possit, excitet.

*Hymnus*

## Hymnus .

**V**eni Creator Spiritus,  
 Mentes tuorum visita,  
 Imple supernâ gratiâ,  
 Quæ tu creasti pectora .  
**Q**ui diceris Paraclitus,  
 Altissimi donum DEI,  
 Fons vivus, ignis, charitas,  
 Et spiritualis unctio .  
**T**u septiformis munere,  
 Digitus paternæ dexteræ,  
 Tu ritè promissum Patris,  
 Sermone ditans guttura .  
**A**ccende lumen sensibus,  
 Infunde amorem cordibus,  
 Infirma nostri corporis  
 Virtute firmans perpeti .  
**H**ostem repellas longius,  
 Pacemque dones protinus ;  
 Ductore sic te prævio,  
 Vitemus omne noxium .  
**P**er te sciamus da Patrem,  
 Noscamus atque Filium,  
 Teque utriusque Spiritum  
 Credamus omni tempore .  
**D**EO Patri sit gloria,  
 Et filio, qui à mortuis

Surrexit , ac Paraclito ,

In sæculorum sæcula . Amen .

Vers. Emitte Spiritum tuum , & creabuntur.

Resp. Et renovabis faciem terræ .

*Oremus .*

**D**EVS qui corda fidelium Sancti Spiritus illustratione docuisti : da nobis in eodem Spiritu recta sapere , & de eius semper consolatione gaudere . Per Dominum nostrum IESVM Christum Filium tuum , qui tecum vivit & regnat in unitate eiusdem spiritus Sancti DEVS , per omnia sæcula sæculorum . Amen .

## Discussio conscientiaæ fiet circa sequentia .

*Peccata contra Deum .*

Accuso me de	Confessione sacrilegâ , dum peccatum mortale reticui , vel quia de peccatis non dolui , aut propositum emendationis non habui . toties , &c.
	Communionem sacrilegâ in statu peccati mortalis . tot.
	Negligentiâ in præparatione ad confessionem .

fectionem, vel communionem.

Dubitatione voluntariâ circa aliquê fidei articulum. toties.

Negligentiâ in repellendis cogitationibus contra fidem, Spem, charitatem. toties.

Blasphemiâ contra DEVM, murmurando contra ejus justitiam, & misericordiam, &c. toties.

Negligentiâ in repellendis tentationibus blasphemix, pusillanimitatis. toties.

Violatione voti in re gravi. toties.

Perjurio; cum falsum juravi, vel dubitans de veritate. toties.

Vel cum promisi aut minatus fui cum juramento, me malum aliquod grave, vel leve facturum, animo servandi. toties.

Vel dum juravi me rem licitam facturum animo non servandi. toties.

Fractione juramenti; quando rem licitam juramento promissam non servavi cum possem. toties.

Iuramento temerario; quando sine necessitate, vel utilitate verum juravi.

Missâ die feriatâ omninó non, vel non integrè auditâ. toties.

Distra-

Distractionibus in eâ voluntariè admissis. toties.

Negligentiâ in vitandis distractionibus in oratione.

Ingratitudine erga DEVM pro acceptis specialibus beneficijs. toties.

Contemptu, vel neglectu peccatorum gravium vel levium. toties.

Gloriatione ob peccata gravia vel levia. toties.

Complacentiâ in peccatis mortalibus olim admissis. toties.

Superbiâ circa dona naturæ, vel gratiæ; dum ea non DEO, sed meis meritis attribui. toties.

Ieiunio Ecclesiastico, ad quod teneor, non observato. toties.

*Contra se ipsum.*

Superbiâ, arogantiâ, ambitione, æstimatione mei ipsius nimîâ, complacentiâ vanâ, pertinaciâ in proprio sensu & iudicio, hypocrisi. toties.

Curiositate sciendi res perniciosas, curiosas, & periculosas. toties.

Cogitationibus lascivis, quibus voluntariè in hæsi. toties; vel quibus me oblectavi. toties.

Desiderio deliberato peccandi contra casti-

castitatem in tali specie. toties .

Negligentiâ in præcavendis, & comprimendis illicitis cogitationibus, motibus, illusionibus . toties.

Negligentiâ gravi, vel levi, in custodiendis sensibus, visu, auditu, odoratu, gustu, tactu. toties .

Intemperantiâ gravi, vel levi, in cibo & potu. toties.

Negligentiâ & defectu applicationis in studiis .

Otiositate, seu tempore malè collocato .

*Contra proximum :*

Inobedientiâ gravi vel levi in parentes, superiores, moderatores .

Murmuratione contra eos vel eorum contemptu. toties.

Despicientiâ proximi, vel aversione ab eis odio, irâ, invidiâ, impatientiâ, suspicione vanâ, temerario judicio. toties.

Detractione contra proximum; quando falsum delictum, grave vel leve ipsi affixi, vel verum occultum detexi . toties . Idque ex odio, & animo ejus famam laedendi .

Mendacio, cum, vel sine gravi damno proximi. toties.

Accuso me de.

Scur-



Scurrilitate in loquendo, turpiloquio.  
toties.

Asperitate verborum, contentione,  
sufurratione, maledicentiâ, convitijs,  
contumelijs, irrisione. toties.

Verberatione, vulneratione, gravi  
læsione. toties.

Desiderio mali alieni, gravis vel le-  
vis. toties.

Gaudio ob malum proximi grave vel  
leve. toties.

Dolore ob bonum proximi, cum, vel  
sine animo tale bonum impediendi. to-  
ties.

Voluntate alteri nocendi, vel me vin-  
dicandi, quamvis effectus non sit secu-  
tus. toties.

Scandalo gravi, vel levi. toties.

Laude delicti alieni. toties.

Irritatione proximi ad iracundiam,  
vel aliud malum. toties.

Neglectu correctionis fraternæ, quan-  
do corrigere debuissim. toties.

Accuso me de.

Ex his occurrent facile alia,  
 quę hoc paradiġmate  
 non continentur.

*Antequam accedant ad confessionem po-  
 terunt pręmittere hanc orationem.*

**O** IESV DEVS cordis mei, infinitę miseri-  
 cors & longanimis, infinitę suavis &  
 amabilis, qui cum Patre & Spiritu Sancto  
 multiplicas super me inęstimabiles divitias  
 misericordię, longanimitatis, & charitatis  
 tuę; qui hucusque me ingratum toties cum,  
 Petro respexisti, cum Magdalenā in viam sa-  
 lutis reduxisti & in sanguine tuo animam  
 meam dealbasti; toties me prodigum filium  
 in osculum pacis recepisti, & infidelem licet  
 famulum ad intimam familiaritatem invitasti:  
 amplector, veneror, & adoro te, & tanta vi-  
 scera misericordię tuę erga me; atque omniū  
 creaturarum affectu tibi gratias ago pro ines-  
 fabili isto æternę tuę dilectionis excessu, quo  
 mihi in tot defectus quotidie labenti, spatiū  
 & gratiam resipiscendi, spem venię, fiduciā  
 perseverandi, ac gloriam consequendi tribui-  
 sti. Vtinam ō DEVS meus, te infinito amore

& honore dignissimum semper amassem & glorificassem! utinam te nunquam offendissem, nec offenderem posthac in æternum! Sed ô bonitas infinita, quid tibi retribuui pro omnibus bonis quæ tribuisti mihi præter innumeras meas offensiones, ingrattitudines, & negligentias? doleo de his ac omnibus & singulis vitæ meæ peccatis ex animo; purè propter te DEVM meum infinitè amabilem, quia tibi, quem diligo, æternumque diligam super omnia displicent: ea propono firmiter ardentèrque per gratiam tuam emendare & compensare. In satisfactionem offero tibi merita omnia, labores ac dolores, ipsumque sanguinem Domini mei IESV Christi, merita Beatissimæ Virginis, & sanctorum omnium, meque ad vitam meam, cum univèrsis meis actionibus, quas cupio dirigere ad gloriam. Nominis tui, tibi devoveo Amen.

*Accedens ad confessionem, coram sacerdote genuflexus dicat.*

Benedic. Reverènde Pater.

*Deinde facto signo S. Crucis recitet.*

Confiteor DEO omnipotenti, beatæ MARIÆ semper Virgini, beato Michaeli Archangelo, beato Ioanni Baptistæ, sanctis Apostolis Petro & Paulo, omnibus sanctis, & tibi Pater:

ter: quia peccavi nimis cogitatione, verbo, & opere.

*His dictis peccata sua integrè, nullo omisso; purè, absque ulla simulatione, humiliter in conspectu Dei, distinctè cum vero emendationis affectu & animo contrito recenscat, & tandem sic concludat.*

De his & omnibus alijs meis peccatis, quorum etiam non recordor, dico mea culpa, mea culpa, mea maxima culpa. Ideo precor beatam Mariam semper Virginem, beatum Michaelen Archangelum, beatum Ioannem Baptistam, sanctos Apostolos Petrum & Paulum, omnes sanctos, & te Pater orare pro me ad Dominum DEVM nostrum.

*Post hac attentè ac devotè excipiat iniunctam pœnitentiam, & si quam admonitionem Confessarius impertiat. Denique dum pronuntiatur absolutio, excitet Contritionem superiùs præscriptam.*

*Peraçta in hunc modum Confessione, & impetrata absolutione, si iniuncta pœnitentia mox persolvi potest, ne differatur, sed accuratè præstetur magno devotionis affectu. Deinde, si commodè fieri poterit, recitetur sequens*

*Ex S. Aug. lib. de Spirit. docum.*

**D**Eprecor te IESV Salvator, bone Redemptor, qui pretiosissimo Sanguine tuo redemptus sum, ut propter carnis corruptionem non peream, neque veniam in mortem secundam, nec in terram oblivionis. Hæc vox in auribus misericordiæ tuæ sonet, ut tuam faciam voluntatem, & omnis mens mea te meditetur, in te delectetur, te sequatur, te confiteatur, qui redemisti me.

In æternum misericordia tua est, & in misericordiâ tuâ revixi perditus peccatis & surrexi à mortuis; quoniam segregasti me à peccatis adolescentiæ meæ; & egi pœnitentiam coram te, quia servasti mihi tempus conversionis, & considerans peccata mea compunctus sum, lætus jam inde tibi nunc & semper innumeras gratias refero, quia ut inveniam te; tu prius quæсивisti me; ut redirem ad te, tu compulisti me; ut confiterer tibi, tu es operatus; & ut me recognoscens plangerem, tu dedisti mihi: tu enim es misericors Dominus, qui sperantes in te non confundis, requirentes non derelinquis, revertentes ad te non respicis, sed exultando & laudando suspicis,  
atque

atque in æternâ beatitudine unâ cum sanctis  
& electis tuis æternaliter regnare concedis,  
quia est tibi cum æterno Patre & Spiritu san-  
cto una Deitas, gloria, virtus, imperium &  
potestas, in sæcula sæculorum. Amen.

*Modus Sacrae Communionis Eucharistiae.*

*Ante Communionem tria sunt, quæ animam  
ad dignissimum hoc convivium piè disponunt.*

*Primum dolor de peccatis sive compunctio.*

*Secundum desiderium, sive fames spiritualis.*

*Tertium profunda reverentia, & animi de-  
missio.*

*Oratio pia Continens dolorem, desiderium &  
animi demissionem.*

**A**D mensam dulcissimi convivij tui, pie  
Domine IESU Christe, ego peccator de  
proprijs meritis nihil præsumens, sed de tuâ  
confidens misericordiâ & bonitate accedere  
vereor, & contremisco. Nam cor & corpus  
habeo multis criminibus maculatum; men-  
tem & linguam non cautè custoditam. Ergo,  
ô pia Deitas, ô tremenda Majestas, ego miser  
inter angustias deprehensus, ad te fontem  
misericordiæ recurro; ad te festino sanandus;



sub tuam protectionem fugio; & quē Iudicem sustinere nequeo, Salvatorem habere suspiro. Tibi, Domine, plagas meas ostendo; tibi verecundiam meam detego. Scio peccata mea multa & magna, pro quibus damnari timeo. Confido misericordiis & miserationibus tuis, quarum non est numerus. Respice ergo in me oculis misericordiae tuae, pie Domine IESV Christe, Rex æterne, DEVS & homo, crucifixe propter hominem. Exaudi me sperantem in te; miserere mei, pleni miserijs & peccatis, tu qui fons miserationis numquam manare cessas. Salve salutaris victima, pro me & omni humano genere in patibulo Crucis oblata. Salve nobilis & pretiose Sanguis, de vulneribus crucifixi Domini mei IESV Christi profluens, & peccata totius mundi abluens. Recordare, Domine, creaturæ tuæ, quam tuo sanguine redemisti. Pœnitet mē peccasse: cupio emendare quod feci. Aufer ergo à me, clementissime Pater, omnes iniquitates & peccata; ut purificatus mente & corpore, dignè degustare merear sancta sanctorum. Et concede, ut sancta prælibatio Corporis & Sanguinis tui, quam ego indignus sumere intendo, sit peccatorum meorum remissio; sit delictorum perfecta purgatio, bonorumque tibi placentium salubris effi-



efficacia; animæ quoque & corporis contra inimicorum meorum insidias firmissima tutio. Amen.

Eja ergò, laudo te DEVS meus & exalto te in æternum: despicio me & subijcio tibi in profundum vilitatis meæ: ecce tu sanctus sanctorum, ego sordes peccatorum: ecce tu inclinas te ad me, qui non sum dignus vel te respicere; & tamen tu venis ad me, tu vis esse mecum, tu me invitās ad convivium tuum.

*Sub ipsa Communione primo pia & modesta corporis compositio adhibenda est, accedendo ad altare junctis ante pectus manibus, oculis demissis, flectendo genua, capite decenter erecto, corpore quieto sine lectione vel labiorum motu, eoque honestè aperto cum sacra hostia porrigitur, ita ut lingua extremum labium attingat, nec sit ultra exerta.*

*Secundò excitanda spes & amor in Christum, non orando voce, sed meditando sequentia.*

## ORATIO MENTALIS

*Sub ipsa communionē.*

**O** Dulcissime IESU, in te est totum, quod desiderare possum & debeo, tu salus mea,

mea, redemptio mea spes & fortitudo; decus  
& gloria: amen te ex toto corde meo, ô suavis-  
sime IESU: regna in voluntate meâ in æter-  
num, ut nihil amem præter te, & nihil mihi  
placeat nisi propter te, sed semper idem ve-  
lim quod tu vis, idem faciam quod placet  
sanctissimæ voluntati tuæ.

O Virgo Beatissima MARIA, patroni mei  
& Sancti DEI omnes, adjuvate vestris pre-  
cibus, ut præstem constanter, quod firmiter  
propono ad gloriam dulcissimi mei Salva-  
toris.

Post Sacram communionem tria præstanda.

1. Agenda Deo gratias.

2. Offerendum cor, & quidquid suadet affe-  
ctus ac pietas.

3. Petendum à Christo quod nostra necessitas  
requirit.

Actio gratiarum & oblatio.

**A**Mabilissime IESU, DEVS cordis mei, un-  
de mihi indignissimo peccatori tanta  
dignatio, tanta dilectio tantæ Majestatis, ut  
me oculis misericordiæ tuæ tam benignè, tam  
amantè, visitare, tam misericorditer reficere,  
tam paternè fovere, tam suaviter, efficaci-

ter & mirabiliter ad gloriam mihi, ut spero,  
 prædestinatam, deducere hucusque digneris?  
 Benedicta sit in æternum infinita bonitas,  
 charitas, & misericordia tua, quâ me ingrati-  
 tories cum Patre & Spiritu Sancto ab æterno  
 sic dilexisti, ut decerneres mecum electis om-  
 nibus creare, salvare, dotare, vocare ad tuam  
 gratiam, & conservare ad gloriam: sed quan-  
 ta benignitas & misericordia tua, quod me in  
 tempore creâris, conservaveris, dotaveris,  
 redemeris pretio sanguinis tui pretiosissimi,  
 & hodiè animam meam corpore & sanguine  
 tuo refeceris, mihiq; pignus amoris tui &  
 futuræ gloriæ te ipsum in sacratissimo con-  
 vivio tuo dederis. Agnosco, O benignissime  
 IESU, charitatem tuam erga me, & omnium  
 creaturarum affectu, præsertim voce omnium  
 Sanctorum & spirituum coelestium te Domi-  
 num meum adoro, laudo & glorifico: me in-  
 frà omnes creaturas in centrum nihili mei  
 demitto, & supremæ tuæ Majestati inclino;  
 nam tuâ solâ gratiâ sum id quod sum. Credo  
 in te, ô ineffabilis veritas: in te spero, ô fide-  
 lissima mea felicitas: te amo & semper amabo  
 super omnia, ô summâ bonitas. Gaudeo etiâ  
 de omni tuâ perfectione, beatitudine, gloriâ  
 & beneplacito tuo, meque tibi usque ad mor-  
 tem & mei annihilationem resigno: totus

tuus esse & in æternum permanere desidero ;  
 sicut tu totus in hac suavissimâ communionem  
 & in vita ac morte tua meus esse voluisti .  
 Omnem vitam meam tuo offero obsequio: of-  
 fero tibi intellectum meum, ut te cognoscat ,  
 cogitet , & meditetur : offero memoriam , ut  
 tui recordetur: offero voluntatem, ut te dili-  
 gat: offero omnia pia desideria, quæ unquam  
 habui, aut habiturus sum: offero sensus meos  
 & affectus , ne unquam à te declinent : offero  
 quidquid sum , quidquid habeo aut habitu-  
 rus sum , ut totus tibi ex omnibus viribus &  
 ex tota mente serviam in æternum Amen.

Anima Christi sanctifica me.

Corpus Christi salva me.

Sanguis Christi inebria me.

Aqua lateris Christi lava me.

Passio Christi conforta me.

O bone IESU exaudi me.

Intra vulnera tua absconde me.

Ne permittas me separari à te.

Ab hoste maligno defende me.

In hora mortis meæ voca me.

Et Iube me venire ad te.

Vt cum Sanctis tuis laudem te.

In sæcula sæculorum. Amen.

*Subjiciat 5. Orationes Dominicas, & totidem  
 salu-*

*salutationes Angelicas, ad honorem S. vulnerum Christi, eique commendet;*

1. In *sacrum vulnus dextera Ecclesiam Catholicam, summum Pontificem, omnesque Ecclesie prelatos.*

*Pater noster. Ave Maria.*

2. In *vulnus manus sinistra magistratus, praesertim supremos, status secularis, & superiores suos.*

*Pater noster. Ave Maria.*

3. In *vulnus Pedis dextri omnes obduratos, & in peccato mortali existentes*

*Pater noster. Ave Maria.*

4. In *vulnus pedis sinistri animas fidelium defunctorum.*

*Pater noster. Ave Maria.*

5. In *vulnus lateris commendet se, suos parentes, nutritios, amicos & inimicos.*

*Pater noster. Ave Maria.*

*Memor sit diem, quo sacram Communionem suscepit, peculiari modestia ac pietate transigere, & frequenter diebus insequentibus inestimabilis illius beneficii recordatione, se ad evitanda peccata, & sectandas virtutes incitare.*

*Modus audiendi devotè Sacram.*

*Facto signo S. Crucis, Domino Deo, cujus praesentiam recogitabunt, instantem suam orationem*

*nem offerent, & gratiam bene precandi petant sequenti collecta, quam alijs quoque prolixioribus orationibus, ac universim quibuscunque negotijs premittere convenit.*

*Adiones nostras, quæsumus Domine, aspirando præveni & adjuvando prosequer e: ut cuncta nostra oratio & operatio à te semper incipiat, & per te coepta finiatur. Per Christum Dominum nostrum. Amen.*

*Facta hac oblatione, & benedictionis divina invocatione, qui in classibus superioribus sunt, usque ad elevationem quatuor minores horas, id est, Primam, Tertiam, Sextam & Nonam ex Officio parvo B. M. Virginis, pro incremento gratia in vocatione sua clericali recitent. Adolescentes verò inferiorum classium dicant pro conservanda castitate Officium Immaculate Conceptionis B. M. Virginis, & hymnum S. Casimiri.*

## H Y M N V S S. C A S I M I R I

*Ad Beatissimam Virginem*

**O** Mni die dic MARIE  
Mea, laudes, anima.  
Ejus festa, ejus gesta  
Cole devotissima.



Contemplare & mirare  
 Ejus celsitudinem.  
 Dic felicem Genitricem,  
 Dic beatam Virginem.  
 Ipsam cole, ut de mole  
 Criminum te liberet:  
 Hanc appella, ne procella  
 Vitiorum superet.  
 Hæc persona nobis dona  
 Contulit cœlestia:  
 Hæc Regina nos divinâ  
 Illustravit gratiâ.  
 Lingua mea dic trophæa  
 Virginis puerperæ;  
 Quæ inflicto maledictum  
 Miro transfert germine.  
 Sine fine dic Regi-  
 mundi, laudum cantica:  
 Ejus bona semper sona,  
 Semper illa prædica.  
 Omnes mei sensus ei  
 Personate gloriam.  
 Frequenter tam beate  
 Virginis memoriam.  
 Nullus certè tam disertæ  
 Extat eloquentiæ,  
 Qui condignos promat hymnos  
 Eius excellentiæ.



Omnes laudent, unde gaudent,  
 Matrem DEI Virginem.  
 Nullus fingat, quod attingat  
 Ejus celsitudinem;  
 Sed necesse, quod prodesse  
 Pijs constat mentibus,  
 Ut intendam, quòd impendam  
 Me ipsius laudibus.  
 Quamvis sciam, quòd MARIAM  
 Nemo dignè prædicet,  
 Tamen vanus & insanus  
 Est, qui illam reticet.  
 Cujus vita erudita  
 Disciplinâ cælicâ,  
 Argumenta, & figmenta  
 Destruxit hæretica.  
 Hujus mores, tamquam flores;  
 Exornant Ecclesiam:  
 Actiones, & sermones  
 Miram præstant gratiam.  
 Evæ crimen nobis limen  
 Paradisi clauserat;  
 Hæc dum credit, & obedit,  
 Coeli claustra reseat.  
 Propter Evam homo sævam  
 Accepit sententiam:  
 Per MARIAM habet viam,  
 Quæ ducit ad Patriam.

Hæc amanda, & laudanda

Cunctis specialiter :

Venerari, & precari

Eam decet jugiter.

Ipsa donet, ut, quod monet

Natus ejus, faciam :

Vt finitâ carnis vitâ,

Lætus hunc aspiciam.

## S E C V N D A P A R S.

**O** Cunctarum foeminarum

Decus atque gloria !

Quam electam & electam

Scimus super omnia.

Clemens audi, tuæ laudi

Quos instantes, conspicias :

Munda reos, & fac eos

Donis dignos coelicis :

Virga lesse, spes oppressæ

Mentis & refugium,

Decus mundi, lux profundis

Domini sacrarium.

Vitæ forma, morum norma,

Plenitudo gratiæ :

DEI templum, & exemplum

Totius Iustitiæ.

Virgo salve, per quam valvæ

Coeli patent miseris ;

Quam

Quam non flexis, nec allexit  
 Fraus serpentis veteris.  
 Generosa & formosa  
 David Regis filia,  
 Quam elegit Rex, qui regit,  
 Et creavit omnia.  
 Gemma decens, rosa recens,  
 Castitatis lilium,  
 Castum chorum ad polorum  
 Quæ perducis gaudium,  
 Actionis & sermonis  
 Facultatem tribue,  
 Ut tuorum meritorum  
 Laudes promam strenuè.  
 Opto nimis ut imprimis  
 Des mihi memoriam,  
 Quâ decenter & frequenter  
 Tuam cantem gloriam.  
 Quamvis muta, & polluta  
 Mea sciam labia,  
 Præsumendum, nec silendum  
 Est de tuâ gloriâ.  
 Virgo gaude, omni laude  
 Digna & præconio,  
 Quæ damnatis libertatis  
 Facta es occasio.  
 Semper munda & fœcunda  
 Virgo tu puerpera,

Mater alma, velut palma  
 Florens & fructifera.  
 Ejus flore, & odore  
 Recreari cupimus;  
 Cuius fructu nos à luctu  
 Liberari credimus.  
 Pulchra tota sine notâ  
 Cujuscunque maculæ,  
 Fac nos mundos & jucundos  
 Te laudare sedulè.  
 O beata! per quam data  
 Nova mundo gaudia,  
 Et apertâ fide certâ  
 Regna sunt cœlestia.  
 Per te mundus lætabundus  
 Novo fulget lumine,  
 Antiquarum tenebrarum  
 Exutus caligine.  
 Nunc potentes sunt egentes,  
 Sicut olim dixeras:  
 Et egeni fiunt pleni,  
 Ut tu prophetaveras.  
 Per te morum nunc pravorum  
 Relinquuntur devia,  
 Doctrinarum perversarum  
 Pulsa sunt præstigia,  
 Mundi luxus, atque fluxus  
 Docuisti spernere:

**DEVM** quæri, carnem teri,  
 Vitijs resistere :  
**Mentis** cursum tendi sursum  
 Pietatis studio ;  
**Corpus** angi, motus frangi  
 Pro cœlesti præmio.  
**Tu** portasti inter casti  
 Ventr̃s claustra **Dominum**  
**Redemptorem**, ad honorem  
 Nos reformans pristinum.  
**Mater** facta, sed intacta  
 Genuisti filium,  
**Regem** Regum, atque rerum  
 Creatorem omnium,  
**Benedicta**, per quam **vieta**  
 Hostis est versutia,  
**Destitutis** spe salutis  
 Datur Indulgentia.  
**Benedictus** Rex **inviçtus**,  
 Cujus Mater crederis,  
**Increatus** ex te natus  
 Nostri salus generis.

### T E R T I A P A R T I S.

**Reparatrix**, Consolatrix  
 Desperantis animæ,  
**A** pressurâ, quæ ventura  
 Malis est, nos redime

Pro me pete, ut quiete  
 Sempiternâ perfruar,  
 Ne tormentis comburentis  
 Stagni miser obruar.  
 Quod requiro, quod suspiro,  
 Mea sana vulnera;  
 Et da menti te poscenti  
 Gratiarum munera;  
 Vt sim castus & modestus,  
 Dulcis, blandus, sobrius,  
 Pius, rectus, circumspectus,  
 Simultatis nescius,  
 Eruditus & munitus  
 Divinis eloquiis,  
 Timoratus, & ornatus  
 Sacris exercitiis,  
 Constans, gravis, & suavis,  
 Benignus, amabilis,  
 Simplex, purus, & maturus,  
 Patiens & humilis,  
 Corde prudens, ore studens,  
 Veritatem dicere,  
 Malum nolens, Deum colens,  
 Pio semper opere;  
 Esto tutrix & adiutrix  
 Christiani populi.  
 Pacem præsta, ne molesta  
 Nos perturbent sæculi.

Salutaris stella maris,  
 Summis digna laudibus,  
 Quæ præcellis cunctis stellis  
 Atque luminaribus;  
 Tuâ dulci prece fulci  
 Supplices & refove.  
 Quidquid gravat, vel depravat  
 Mentes nostras, remove.  
 Virgo gaude, quòd de fraude  
 Dæmonis nos liberas,  
 Dum in verâ & sincerâ  
 Carne DEVM generas  
 Illibata & ditata  
 Cœlesti progenie,  
 Gravidata nec fraudata  
 Flore pudicitix:  
 Nam quod eras, perseveras;  
 Dum intacta generas,  
 Illum tractans atque lactans;  
 Per quem facta fueras.  
 Commendare me dignare  
 Christo tuo Filio,  
 Ut non cadam, sed evadam  
 De mundi naufragio:  
 Fac me mitem, pelle litem,  
 Compesce lasciviam,  
 Contra crimen da munimen;  
 Et mentis constantiam:



Non me liget, nec fatiget  
 Sæculi cupiditas,  
 Quæ indurat & obscurat  
 Mentis sibi subditas:  
 Nunquam ira, nunquam dira  
 Me vincat elatio,  
 Quæ multorum fit malorum  
 Frequenter occasio;  
 Ora DEVM, ut cor meum  
 Suâ seruet gratiâ,  
 Ne antiquus inimicus  
 Seminet Zizania:  
 Da levamen & iuvamen  
 Tuum illis jugiter,  
 Tua festa sive gesta  
 Qui colunt alacriter. Amen.

*Ad consecrationem & elevationem hostiæ usque  
 ad orationem Dominicam, dicantur tardè  
 & pensulatè sequentes orationes.*

**A**VE verum corpus natum de MARIA Vir-  
 gine: verè passum immolatum in cruce  
 pro homine: cuius latus perforatum undâ  
 fluxit sanguine; Esto nobis prægustatum in  
 mortis examine. O dulcis, ô pie, ô IESV fili  
 MARIE Miserere mei. Amen.  
 O IESV FILI DEI & MARIE Virginis,

Dominus meus, & DEVS meus, qui pro me in Cruce mori dignatus es, adoro, amo, & glorifico te super omnia: credo in te: spero in te: doleo purè propter te, quod unquam offenderim te. Ex hoc momento paratum cor meum ad omnem nutum tuum. Tuus sum ego, eroque in æternum: posside me, & tuæ voluntati penitus me conforma. Pater misericordiarum respice in faciem dilectissimi filij tui, quem in sacrificium laudis, gratiarum actionis, & propitiationis tibi offero, per illius lachrymas, sudorem & sanguinem; per gemitus & suspiria; per labores & obsequia; per dolores & supplicia; per infinita ejus merita miserere mei, & omnium pro quibus mortuus est, ut te semper perfectè amemus, & tuam sanctissimam voluntatem amplectamur & exequamur in tempore & in æternitate.

Miserere etiam misericordissime Pater omnium fidelium defunctorum, eisque requiæ æternam concede, ut æternum laudent, benedicant & glorificent, cui debetur omnis laus, honor & gloria. Amen.

Respice pie Pater piissimum Filium tuum pro me crucem passum: intueri sacratissima ejus vulnera: cerne manus innoxias pro maculantes cruore; & remitte placatus scelera, que

quæ patrauerunt manus meæ. Considera  
 inermē latus crudeli perfossū cuspide, &  
 renova me sacro fonte, quem indè fluxisse  
 credo. Vide immaculata vestigia, quæ non  
 steterunt in viâ peccatorum, sed semper am-  
 bularunt in lege tuâ, diris confixa clavis; &  
 perfice gressus meos in semitis tuis, & fac me  
 odio habere omnem viam iniquitatis.

*Postmodum cum celebrante recitent orationem  
 Dominicam, quam sequitur.*

# ORATIO:

**L**ibera nos, quæsumus Domine, ab omni-  
 bus malis, præteritis, præsentibus, &  
 futuris, & intercedente beatâ & gloriosâ  
 semper Virgine DEI Genitrice Mariâ cum  
 beatis Apostolis tuis Petro & Paulo atque  
 Andrea & omnibus sanctis: da propitius pa-  
 cem in diebus nostris: ut ope misericordiæ  
 tuæ adjuti, & à peccato simus semper liberi  
 & ab omni perturbatione securi. Per eundem  
 Dominum nostrum IESVM Christum filium  
 tuum, qui tecum vivit & regnat in unitate  
 Spiritus Sancti DEVS, per omnia sæcula sæ-  
 culorum. Amen.

Agnus DEI, qui tollis peccata mundi.  
 Misereere nobis.

Agnus DEI, qui tollis peccata mundi :  
Miserere nobis .

Agnus DEI, qui tollis peccata mundi :  
Dona nobis pacem.

*Hic spirituales communionem per varios fidei, spei, charitatis & aliarum virtutum actus erga Deum & Christum in venerabili Sacramēto realiter præsentem instituant ad hunc modum.*

Adoro te Domine IESU vivâ & verâ fide, in hoc Sacramento Corpore & animâ, carne & sanguine, vi mirabilis potentie, sapientie & bonitatis verè præsentem; & spero in te, ô fons omnis bonitatis & misericordie; non enim sum dignus ut intres sub tectum meum, sed tantum dic verbo, tu qui solo nutu potes omnia, & sanabitur misera & languens anima mea. Amo te Domine tam amantem mei ex toto corde meo, super me & omnia: & idè cupio te sumere modò saltem spiritualiter per gratiam tuam, quæ cor meum à tot peccatis & imperfectionibus purificet, meritis & virtutibus exornet, sanctis cogitationibus & illustrationibus, velut divinæ sapientie tuæ radijs, illuminet, accendat in charitate, confortet in tentationibus, ne unquam separer à te; consoletur in tribulationibus, ut amore tui & propter te feram eas patienter, lubenter & gaudenter; in sanctâ

vocatione meâ ad tuam gloriam, & animarum salutem corroboret, atque sic ad finem usque perseverantem, ad vitam æternam securè perducatur. Amen.

Anima Christi sanctifica me, *Antiphona*

*ut supra fol. 132.*

*Tum pro gratiarum actione ob maximum beneficium, quod in Sacramento Eucharistiæ, & Sacrificio Missæ Christus nobis exhibuit, se ipsum communicando, & Deo patri pro nobis offerendo; uti & pro ipsa Sacratissima passione, quam hoc Sacrificium representat, dicatur, Antiphona:*

*O Sacrum Convivium, in quo Christus sumitur, recolitur memoria passionis ejus; mens impletur gratia; & futura gloriæ nobis pignus datur.*

*V. Panem de coelo prestitisti eis Domine.*

*R. Omne delectamentum in se habentem.*

*Oremus.*

**D**EVS, qui nobis sub Sacramento mirabili passionis tuæ memoriam reliquisti: tribue quæsumus, ita nos Corporis, & Sanguinis tui Sacra Mysteria venerari; ut Redemptionis tuæ fructum in nobis jugiter sentiamus; qui vivis & regnas cum DEO patre in unitate Spiritûs Sancti DEVS, per omnia sæcula sæculorum. Amen.

*Sequitur Oratio S. Francisci Xaverij, quam*

*ipse sub sacro pro conversione paganorum dicere solebat, ad hæreticorum, & omnium gravium peccatorum emendationem à Deo exorandam directa.*

**Æ**-Terre rerum omnium effector DEVS, memento abs te animas infidelium, hæreticorum & peccatorum procreatas, easq; ad imaginem & similitudinem tuam conditas. Ecce Domine in opprobrium tuum his ipsis infernus impletur! memento IESVM dilectum Filium tuum pro illarum salutē atrocissimam subiisse necem: noli, quæso Domine, ultrā permittere, ut filius tuus ab infidelibus, hæreticis, ac peccatoribus contemnatur; sed precibus Sanctorum virorum, & Ecclesiæ Sanctissimæ Filij tui sponsæ placatus recordare misericordiæ tuæ, & oblitus idololatriæ, infidelitatis, contumaciæ & malitiæ eorum effice, ut ipsi quoque agnoscant, timeant ac diligant aliquando, quem misisti, Dominum nostrum IESVM Christum, qui est salus & vita & resurrectio nostra, per quem salvati & liberati sumus, cui sit gloria per infinita sæcula sæculorum. Amen.

*Denique ad finem missæ ex Officio parvo B. Mariæ Virginis recitent hymnum & collectam eius diei, cum versiculo & responsorio ac cum celebrante percurrant sequens Euangel.*



**I**N principio erat Verbum, & Verbum  
 erat apud DEVM, & DEVS erat Verbum.  
 Hoc erat in principio apud DEVM. Omnia  
 per ipsum facta sunt, & sine ipso factum est  
 nihil, quod factum est, in ipso vita erat, &  
 vita erat Lux hominum: & Lux in tenebris  
 lucet, & tenebre eam non comprehenderunt.  
 Fuit Homo missus à DEO, cui nomen erat  
 Ioannes. Hic venit in Testimonium, ut Te-  
 stimonium perhiberet de Lumine, ut omnes  
 crederent per illum. Non erat ille Lux, sed  
 ut Testimonium perhiberet de Lumine. Erat  
 Lux vera, quæ illuminat omnem hominem  
 venientem in hunc mundum. In mundo erat,  
 & mundus per ipsum factus est, & mundus  
 eum non cognovit. In propria venit, & sui  
 eum non receperunt: Quotquot autem re-  
 ceperunt eum, dedit eis potestatem filios  
 DEI fieri, his, qui credunt in nomine eius:  
 Qui non ex sanguinibus, neque ex voluntate  
 carnis, neque ex voluntate viri, sed ex DEO  
 nati sunt. Et Verbum caro factum est, &  
 habitavit in nobis: Et vidimus gloriam ejus,  
 gloriam quasi Unigeniti à Patre, plenum  
 gratiæ & veritatis. DEO gratias.



**A**ctiones nostras, quæsumus Domine, aspirando præveni, & adjuvando prosequere, ut cuncta nostra oratio & operatio semper à te incipiat, & per te capta finiatur. Per Christum.

*Alia*

O Christe IESU, in unione charitatis illius, quâ opus nostræ redemptionis operatus es in medio terræ, offero tibi hoc opus. N. & omnes actiones meas ad maiorem Nominis tui gloriam, meam & proximorum salutem.

*Oratio post quodlibet opus.*

Benedictus es Domine DEVS meus, qui exordium, progressum, & exitum huic operi tribuisti; tuum est, si quid in eo bonum est, propter quod te laudo: meum, si quid in eo peccatum, de quo doleo. Dignare, ô piissime Domine, suscipere, & meritis Vnigeniti Filij tui supplere imperfectum meum; & da, ut quod à me neglectum, aliàs juxta beneplacitum tuum corrigatur & perficiatur.

*Ante scholam & studia recitetur.*

Veni Sancto Spiritus, reple tuorum corda fidelium, & tui amoris in eis ignem accende.

Qui

Qui per diversitatem linguarum cunctorum  
gentes in unitate fidei congregasti.

Ÿ. Emitte Spiritum tuum & creabuntur.

R. Et renovabis faciem terræ.

*Oremus.*

**D**EVS, qui corda fidelium Sancti Spiritus  
illustratione docuisti, da nobis in eo-  
dem spiritu recta sapere, & de ejus semper  
consolatione gaudere. Per Dominum no-  
strum IESVM Christum Filium tuum, qui  
tecum vivit & regnat in unitate Spiritus San-  
cti DEVS, per omnia sæcula sæculorum.  
Amen.

*Oratio ante studia.*

Verbum Patris æternum, & omnis sapien-  
tiæ fons, Domine IESV Christe, docilitatem  
mentibus nostris, & intelligentiæ lumen in-  
funde, ut feliciter nobis cedant hæc littera-  
rum studia, quibus adjuti ad clariorem tui  
agnitionem, & perfectum amorem bonitatis  
tuæ pervenire possimus. Qui vivis & regnas  
DEVS in sæcula sæculorum. Amen.

*Alia oratio ante studia S. Thomæ Aquinatis.*

Creator ineffabilis, qui de thesauro sa-  
pientiæ tuæ, tres Angelorum Hierarchias an-  
notasti, & eas super coelum Empyreum mihi o-  
rdis

ordine collocasti, atque elegantissimè partes universi distribuisti. Tu, inquam, qui verus fons luminis & sapientiæ diceris, atque supereminens principium, infundere digneris super intellectûs mei tenebras tuæ radium claritatis, duplices, in quas natus sum, à me removens tenebras, peccatum scilicet, & ignorantiam. Qui linguas infantium facis esse disertas, linguam meam erudias, atque labijs meis gratiam tuæ Benedictionis infundas. Da mihi intelligendi acumen, retinendi capacitatem, interpretandi subtilitatem, addiscendi facilitatem, loquendi gratiam copiosam: ingressum instruas, progressum dirigas, egressum compleas. Per Christum Dominum nostrum. Amen.

*Oratio post studia.*

Gratias ago tibi æterna sapientia IESV Christe, cui hæc, quæ modo didici, me docere placuit. Da Domine, labori meo incrementum, quo proficiat ad tuam gloriam, & meam ac proximorum meorum æternam salutem. Amen.

*Quoties auditur signum horæ, recitentur unum Ave Maria cum Versiculis.*

MARIA Mater gratiæ ;

Mater misericordiæ

Tu nos ab hoste protege

Et hora mortis suscipe.

*Ad signum Angelice Salutationis.*

1. Angelus Domini nunciavit MARIE, & concepit de Spiritu Sancto.

Ave Maria, &c.

2. Ecce ancilla Domini, fiat mihi secundum verbum tuum.

Ave Maria, &c.

3. Et verbum caro factum est, & habitavit in nobis.

Ave Maria, &c.

*Oremus.*

**G**ratiam tuam, quæsumus Domine, mentibus nostris infunde, ut qui angelo nunciante, Christi filij tui Incarnationem cognovimus, per Passionem ejus & crucem ad resurrectionis gloriam perducamur. Pereundem Christum Dominum nostrum. Amen.

*Die Iovis ad Christi agoniam pro oportunitate dicentur Septem Pater noster.*

V. Proprio filio suo non pepercit DEVS.

R. Sed pro nobis omnibus tradidit illum.

*Ore-*

**D**omine IESV Christe, qui miseras & angustias, opprobria ac convitia, calumnias & injurias, poenas & afflictiones, passionem & mortem patienter pro nobis miseris peccatoribus redimendis ferre voluisti. te supplices exoramus, ut omnes, cruciatus, vitam, & mortem tuam, inter iudicium tuum, & animas nostras, nunc & in hora mortis nostrę ponere, & largiri digneris vivis misericordiam & gratiam, defunctis requiem & veniam, Ecclesię tuę pacem & concordiam, patrię nostrę tranquillitatem, & nobis peccatoribus vitam & lætitiã sempiternam. Amen.

*Cum pulsatur die veneris ad obitum Christi precentur omnes.*

Christus factus est pro nobis obediens usque ad mortem, mortem autem Crucis, propter quod DEVS exaltavit illum, & dedit illi nomen quod est super omne nomen.

*R.* Adoramus te Christe & benedicimus tibi.

*R.* Quia per Sanctam Crucem tuam redemisti mundum.

Oremus.

**R**espice quęsumus Domine super hanc familiam tuam pro qua Dominus noster IESVS Christus non dubitavit manibus

tradi nocentium, & Crucis subire tormentū,  
qui tecum vivit & regnat in sæcula sæculo-  
rum. Amen.

## BENEDICTIO MENSÆ.

### *Ante Prandium.*

℣. Benedicite.

℞. Benedicite.

℣. Oculi omnium in te sperant Domine: & tu  
das escam illorum in tempore oportuno.

℞. Aperis tu manum tuam & implebis omne  
animal benedictione.

℣. Gloria Patri & Filio, & Spiritui Sancto.

℞. Sicut erat in Principio, & nunc, & semper,  
& in sæcula sæculorum. Amen.

Kyrie eleison. Christe eleison. Kyrie eleison.

Pater noster.

℣. Et ne nos inducas in tentationem.

℞. Sed libera nos à malo. Amen.

### *Oremus.*

**B**enedic Domine nos & hæc tua dona,  
quæ de tua largitate sumus sumpturi.  
Per Christum Dominum nostrum. ℞. Amen.

℣. Iube Domine benedicere.

℞. Mensæ cælestis participes faciat nos Rex  
æternæ gloriæ. ℞. Amen.

*Post*



*Post Prandium.*

V. Tu autem Domine miserere nobis.

R. DEO gratias.

V. Confiteantur tibi omnia opera tua.

R. Et Sancti tui benedicant tibi.

V. Gloria Patri & Filio & Spiritui Sancto.

R. Sicut erat in principio, & nunc, & semper,  
& in sæcula sæculorum. Amen.

Agimus tibi gratias omnipotens DEVS  
pro universis beneficijs tuis. Qui vivis & re-  
gnas in sæcula sæculorum. V. Amen.

Laudate Dominum omnes gentes, laudate  
eum omnes populi.

Quoniam confirmata est super nos miseri-  
cordia ejus, & veritas Domini manet in æter-  
num.

Gloria Patri & Filio, & Spiritui Sancto.

Sicut erat in principio, & nunc, & semper,  
& in sæcula sæculorum. Amen.

Kyrie eleison. Christe eleison. Kirie eleison.

Pater noster.

V. Et ne nos inducas in tentationem.

R. Sed libera nos à malo.

V. Dispersit dedit pauperibus.

R. Iustitia ejus manet in sæculum sæculi.

V. Benedicam Dominum in omni tempore.

R. Semper laus ejus in ore meo.

V. In Domino laudabitur anima mea.

R. Au-



R. Audient mansueti, & lætentur.

V. Magnificate Dominum mecum.

R. Et Exaltemus nomen ejus in idipsum.

V. Sit nomen Domini benedictum.

R. Ex hoc nunc & usque in sæculum.

Retribuere dignare Domine, omnibus nobis bona facientibus propter nomen tuum vitam æternam. R. Amen.

V. Benedicamus Domino.

R. DEO gratias.

V. Fidelium animæ per misericordiam DEI requiescant in pace. R. Amen.

*Ante cœnam.*

V. Benedicite.

R. Benedicite.

Edent pauperes & saturabuntur, & laudabunt Dominum, qui requirunt eum: vivunt corda eorum in sæculum sæculi.

V. Gloria Patri & Filio, & Spiritui Sancto.

R. Sicut erat in principio, & nunc, & semper, & in sæcula sæculorum. Amen.

Kyrie eleison, Christe eleison. Kyrie eleison.

*Pater noster.*

V. Et ne nos inducas in tentationem.

R. Sed libera nos à malo.

**B**enedic Domine nos & hæc tua dona, quæ de tua largitate sumus sumpturi. Per Christum Dominum nostrum. R. Amen.

Iube Domine benedicere.

Ad cœnam vitæ æternæ perducatur nos Rex æternæ gloriæ.

*Post cœnam.*

V. Memoriam fecit mirabilium suorum misericors & miserator Dominus.

R. Escam dedit timentibus se.

Gloria Patri, & Filio, & Spiritui Sancto.

Sicut erat in principio, & nunc, & semper, & in sæcula sæculorum. Amen.

Benedictus DEVS in donis suis, & sanctus in omnibus operibus; qui vivit & regnat in sæcula sæculorum. R. Amen.

Laudate Dominum omnes gentes & reliqua ut supra. 156

*In natiuitate Domini & per octauam dicitur.*

V. Verbum caro factum est. Alleluja.

R. Et habitavit in nobis. Alleluja.

Gloria Patri & Filio, & Spiritui Sancto.

Sicut erat in principio, & nunc, & semper, & in sæcula sæculorum. Amen. *In fine dicitur.*

V. Notum fecit Dominus Alleluja.

R. Salutare suum. Alleluja.

*In*

*In Epiphania & per totam octavam.*

**V.** Reges Tharsis & insulæ munera offerent  
Alleluja.

**R.** Reges Arabum & Saba dona adducent  
Alleluja.

*In fine dicitur.*

**V.** Omnes de Saba venient, Allel.

**R.** Aurum & thus deferentes, Alleluja.

Gloria Patri & Filio, & Spiritui Sancto.

Sicut erat in principio, & nunc, & semper, &  
in sæcula sæculorum. Amen.

*In cæna Domini.*

**V.** Christus factus est pro nobis obediens  
usque ad mortem.

**Deinde Pater noster totum secretò.**

*In fine iterum dicitur.*

**Christus factus est, ut supra.**

*In parasceve Domini.*

Eodem modo fit sicut in cæna Domini, sed  
additur ad

**V.** Christus factus est, mortem autem  
**Crucis.**

*Sabbato Sancto.*

**V.** Benedicite.

**R.** Benedicite.

**V.** Vespere autem Sabbathi, quæ lucefcit in  
pri.

primo Sabbathi, Alleluja.

**R.** Venit Maria Magdalena & altera Maria,  
videre sepulchrum, Alleluja.

Gloria Patri & Filio, & Spiritui Sancto.

Sicut erat in principio, & nunc, & semper, &  
in secula seculorum. Amen.

*In fine repetitur.*

Vespere autem Sabbathi, *ut supra.*

Gloria Patri & Filio, & Spiritui Sancto.

Sicut erat in principio, & nunc, & semper, &  
in secula seculorum. Amen.

Laudate Dominum omnes gentes, &c.

Kyrie eleison. **C**hriste eleison. Kyrie elei-  
son, & reliqua, *ut supra.*

*In die pasche usque ad cenam sequentis sabbathi.*

**V.** Hæc dies quam fecit Dominus Allel.

**R.** Exultemus & lætemur in ea, Allel.

Gloria Patri &c. In fine iterum dicitur,

**V.** Hæc dies, *ut supra*, cum reliquis.

*In ascensione Domini & per octavam.*

**V.** Ascendit DEVS in jubilatione, Allel.

**R.** Et Dominus in voce tubæ, Allel.

Gloria Patri & Filio, & Spiritui Sancto.

Sicut erat in principio, & nunc, & semper, &  
in secula seculorum. Amen.

*In fine dicitur.*

V. Ascendens Christus in altum, Allel.  
 R. Captivam duxit captivitatem, Allel.  
 Gloria Patri & Filio, &c.


*In Festo Pentecostes & per octavam.*

V. Spiritus Domini replevit orbem terrarum, Alleluja.  
 R. Et hoc quod continet omnia scientiam, habet vocis, Allel.  
 Gloria Patri & Filio, & Spiritui Sancto.  
 Sicut erat in principio, & nunc, & semper, & in sæcula sæculorum. Amen.

*In fine dicitur.*

V. Repleti sunt omnes Spiritu S. Allel.  
 R. Et ceperunt loqui, Allel.  
 Gloria Patri & Filio, & Spiritui Sancto.  
 Sicut erat in principio, & nunc, & semper, & in sæcula sæculorum. Amen.

F I N I S.



The first of these is the  
fact that the number of  
cases of the disease is  
increasing.

The second is the fact that  
the disease is spreading  
to new areas.

The third is the fact that  
the disease is becoming  
more virulent. This is  
evident from the fact that  
the number of deaths is  
increasing. The fourth is  
the fact that the disease is  
becoming more difficult to  
treat. This is due to the  
fact that the bacteria are  
becoming more resistant to  
the antibiotics used to treat  
the disease.

It is therefore clear that  
the disease is becoming  
more serious.

The fifth is the fact that  
the disease is becoming  
more difficult to prevent.  
This is due to the fact that  
the bacteria are becoming  
more resistant to the  
vaccines used to prevent  
the disease. The sixth is  
the fact that the disease is  
becoming more difficult to  
control. This is due to the  
fact that the bacteria are  
becoming more resistant to  
the antibiotics used to treat  
the disease.

It is therefore clear that  
the disease is becoming  
more serious.

